

جمہ و اماد

جمرورماد

شعر عامي بعض قصائده تُغنى

للشاعر

(لياس بطرس ولاغر)

ها الغنائي لمين

تأليف : إلياس بطرس داغر

المروج – الطبعة الأولى عام : ٢٠٠٤

جميع الحقوق محفوظة

الإخراج الفني وتصميم الغلاف : فيصل حفيان

التنفيذ والطباعة : مؤسسة علاء الدين للطباعة والتوزيع

دمشق - هاتف : ٥٦٢٧٠٦٠ - فاكس : ٥٦١٣٢٤١

يطلب الكتاب على العنوان التالي:

مكتبة نها - خلوات فالوغا

هاتف : ٠٣/٩٤٩٥٣٢

قال الجمر للنار ضمّيني
خايف من البرد
عتم الليل عم ... يحرق سنيني
والعمر دمة براس سكييني
بتدبح سنيني ... بشوك الورد

جمرا أنا بليالي الحجر
ولّعيني
واتركيني
عاشط البحر
شرقطيني نار
بيهتدي البحّار
وبتعود السفيني

أُحرقني يا ها الجمر برماد الصقيع
فلّ الشتي ، وعاد يسأل عا الربيع
وعمر البشر مثل أحلام الفصول
بتخلق وبتموت ، وبتبقى الأصول
شعلي ، وحطب للجمر ، ودعوي للجميع

تشرین ...

لا الورد أطرى
ولا النسرین
من شفافك الحلوین
وشو حلوین
إنت خیال من السما
أو إنت السما
أو مین إنت
بها الدنی تخمین .

معلیش لو قلبی بحبک طار
اسرار إنت، وها الدنی أسرار
الحلوین ب ها الدنی کتار
بس متلك ما لقی حلوین .

ترکینی غلّ ب صدرک الدایف
ومرمغ کواز التوت بشفايف
عیشی بریبع العمر

يا رفيقة عمر
وحرقتني بنارها الشفاف الحمر
وعيشي معي عا فراش كلو جمر
كلو ليالي خمر
كلو ليالي حمر
عا جسم أطرى من الندى
لغيري أنا ما بينهدى
تمك الأسمر
وشفافك العنبر
وشعرك الأشقر
وكوازك الرمان، يلي ملوحين

غلي معي ... وضلي معي ...
تتباتنا مجانين
ولا تندمي لحظة العمر
وها السنين تمرق بظل السنين
ولحظة من العمر
منوصل سوى
تشرين واقف ورانا
وقدأما تشرين

عمري حدك ...

موال

ما أطيبك يا ريت فيّ ضل
حدّ منك وها العمر يمشي
كنت بالأحلام بقطف فلّ
ويزهر ويدبل ألف موسم فلّ
وتضلّ متل الظلّ تمشي على رمشي

دوّبني وجرحتني بُعدك
ما راح اعشق تاني بُعدك
إنتَ بقربي
ناسي حبيّ
خليّني خليّني بقربك
وعود افتحلي جنة قلبك
ليش تا تضلّك قاعد وحدك .

بُعدك وحدو البعد القاسي
لا تتساني ومنك ناسي

الأيام الحلوي الّ عشناها
وهاك الطرقات مشيناها
بهاك العتمي ، وضوّي دربك
وما فيك تقطع عمرك وحدك ...

أطبعني بوسي فوق خدودك
خليني أشعر بوجودك
أنا منك يا مدللني
يا مضوّي عتماّك منّي
أفتحلي برّيك جنّة قلبك
تا قضّي إيامي حدّك

تا ما تفلّي عذابي ...

موال

لا تزعلي إنْ فليّت
يا عطر الندى
ما زالني راجع
إمسح مدامع
وضوِّيها المدى

أوعا تخايفي لو فليّت
يا أمّ الشال العنّابي
بعتمة ها الشعر تخيّبت
رح برّجع زعلان، البيت
بكيو حجارو عا غيابي .

راجع مع طير الوروار
إبنيلك قصر بغابي
وزيّن إكليلك بالغار
وضوئلك شمعا بالدار

بس تا تَضَلِّي عا حسابي
قالوا عَنْكَ شو ما قالوا
قالوا عَنْكَ كذابي
قالوا حَبَّكَ يا نياالو
انشا الله بتترِّي بدلالو
تا ما تَضَلِّي عذابي

ما بَغَارُ وَبُغَارُ

ما بَغَارُ لو غُمِرِكَ

غَمَرُ

ضوء القمر

وَشَتَلُ بَجْنِينَتِي زَهْوَرُ وَشَجَرُ

وَحَلَى الدَفْلُ يَحْمَرُ مِنْ ذَاتُو

وَالْعَوْسَجُ تَهْرُ زَهْرَاتُو

عَنَاقِيدُ بَيْضًا مِثْلَ عَقْدِ الْمَاسِ

وَيَا مَا نَاسِ

بِیْغَارُوا ...

مِنْ رَشْحِ النَّدَى

بِیْرِيقُ فَخَّارُو ...

مِنْ إِمٍّ بِتَرْضَعٍ وَلَدَهَا

مِنْ مَرًّا تَقْدَمُ جَسَدَهَا

حَقَّ رَغِيفِ

وَمِنْ وَرَقٍ بِيَهْرٍ بِفِصْلِ الْخَرِيفِ

من شمس عم تشرق
وبتغيب
من ليالي بتبرق
وبتشيب
والأرض متلا شايبي
من تلج وزمهرير
من طهارة غايبي
عن ثوب الحرير ...

يا ما ناس خربشوا المعنى
وصاروا بلا معنى
لا هينٌ ضدنا ، ولا هينٌ معنا
غاروا ، وبيغاروا
من بسمه طفل
من حنين العاطفي
من كتر البخل
وصوت العاصفي
أنا مثل الناس ، بُغار
وما بغار

ما بغار
من شتي يسقي زرع
وما بغار
من حق عقد وشرع
ومن قلب عم يجمع قلوب
مرغوب
مش محجوب
ومصلوب
عا صدرك
معلق بسنسال
من ذهب
مين قال
ما صلبت
بعود الخشب موأل
وبجرح التعب
تمثال
ينحت صليب
يعلق صليب
أطول من السنسال
والموأل

وبغار من شفافِك

البدر شافِك

غار من حالو

وقال نيّالو

الأحمر على شفافِك

وعينِك رموش

كحلاً عملوش

من حبّ العنب

من زبيب نَشَفُوا التعب

من كحلّ عا جفونِك

سَرَقُوا النوم من عيوني

شو بغار

مدري ليش

ولو بتسألني قدّيش

وليش بغار

بس بغار

من خصرِك يَلّي بدّل مني

غامروا زنّار ...

بحبِّك صلا... .

بحبِّك صلاة الصبح ترنيمي
وصدى نسيمات تغازل الوديان
جبالك، سهولك مضيا في وكريمي
والكرم فيها للدني عنوان .

يا أهلي بها الوطن وبكل الدني
لبنان وردة حُبّ وزهرة سوسني
لا تسألوني ولا تقولوا شو بني
خدوا قلبي ورسما لبنان

يحبِّك يا شهقة نور بالديجور
وعا مدبح جبال الأرز بخور
وشلال نهر الحب عم بيثور
ثورة ربيع الحب عا الأغصان .

يا ساكنين الأرض ، أرضي موطني
ولبنان بالإيمان وبشعبوا غني
وكل ما بتمرق سني بيكبر سني
متل ما الأرز بيكبر عا الزمان .

ردّوا معي بحبّك يا وطن
قدّ وسّع الكون بحدود الزمن
قدّ حلم الحب وخمرات الدنن
والكاس والخمّار والبخل والإحسان

ردّوا معي ، ربّي انت يا وطن ربّي
جيل المحبّي والوفا ربّي
ربّي الشباب ، والبغض خبّي
ومشّي بالمحبة الديب والحملان

تشرين انتهى وإجا تشرين
دمعة فرح أو حزن تخمين
بسمة أمل عا التّم الحزين
وين الأمل والرجا والعنفوان !

وينك يا أمل قاعد وغاي
وتارك الدمعة تكرج على لحاي
خليتني أمشي من الغلا حاي
وخليتني تحت الثلج بردان

وين الصبايا ترقص بها العيد
وين الخوابي وكاسات النبيد
وين البيادر وإيام الحصيد
والدف والمجوز ورقصة الغزلان

ما جيت بـها العيد رش زهور
ولا جايب معي مبخرة وبخور
ولا جيت إبكي عا الزمن مقهور
ولا جيت ضوي شموع للعميان .

وأنا ما جيت تا فجر مدافع
ولا معي شهادات رافع
بس جيت وراسي أنا رافع
لأنني ابن ها الوطن لبنان .

أنا ما جيت تا ردّد الأشعار
ولا زتّ فوق المقابر حجار
ولا جيت كبّ الزيت فوق النار
ولا إسرق الدمعة من الزعلان .

جيت إجمع بيادر عن مزابل
وجيت احصد مناجل بالسنايل
وطفّي المدافع بدمع الأرامل
واكتب قصيدي بلا عنوان

جيت إهدم استقلال ماضي
بجرح الشعر وبسيف ماضي
جيت عبّي جرار فاضي
من عيون نعساني ووطن سكران

جيت حييّ الجيش ببلادي
جيش اهلي وفخر أجدادي
جيشنا الغالي بعبّو عبادي
بعد الله وبعد الوطن لبنان

استقلالنا مجد الخلود السرمدى
ما يعتدى ولا بحبّ غيرى يعتدى
ويا حلوتى السمرأ حدّ منى أقعدى
إنت الصليب وأنا عا صدرك القرآن .

يا صبايا الغد ويا أجمل شباب
كونوا الوطن ، وبالوطن أحباب
الأرض شموها وبوسوا ها التراب
كل حبة رمل بالوطن إيمان

من هون نحنأ يا وطن من هون
حروف ورّعنا وإرجوان ولون
وبنور القداسة جبلنا الكون
ومن هون نحنأ ، ونحنّ وين ما كان

نحنّ من هون ، وهون نحنأ يا وطن
قدّيش مرّ شعوب وتمنّوا السكن
عا جبال صامدا قدّام الفتن
وبحور بتيوسّ أجريك بحنان .

يا مراية الصبح النقي جايي
استقلالك بدايي مش نهايي
أرضك ترابك أرزك مرايي
بتعكس جمال الأرز عا الأكوان .

أُستقلالُك المجد والمجد آتي
رثم يا سيدي ورتل صلاتي
بحبّك صلا عا سراج دمعاتي
ولوحة رسمها الرب للفنان .

استقلالنا ناظر الفجر الجديد
ناظر حمامي بتمها الغصن السعيد
استقلالنا احرار أرتدّوا عا العبيد
وخلود الوطن يعني الوطن لبنان
وبحبّك بحبّك يا لبنان

جيتِ بآخر المواسم ...

أُدبِحيني وَخُدي مَحَبِّي من وريدي
شرطِ تَبقي إِسوارا بايدي
أو سلسال نايم على صدري
يمسح دمعتي ، ويسمع نهيدي .

منين جيتِ بآخرها المواسم
تَوَّعي الحلم الّو سنين نايم
وتخلصي الغرقان ال بالبحر عايم
وصايم مثل منجلة الحصيدي

منين جيتِ بعد العمر كَلّو
تا تعشقينني ، وتقولِي يا دَلّو
قبلك صبايا الحي قَلّو
وفَلّو ، وما قالوا سعيدي .

وَبَعْدُنْ عَلَى شَفَايْ قُبُلْ
وَالنَّحْلْ بِيَمُوتْ مِنْ دُونِ الْعَسَلْ
لَا تَحْسِبِينِي مِثْلَ نَعْجِي وَحَمَلْ
أَنَا صِيَادْ بَتَهْمُو الطَّرِيدِي

جِيَتْ تَسْرِقِينِي مِنْ عَذَابِي
وَعَطَّرْ جِسْمَكْ يَمْرَمَعْ تِيَابِي
بُكْرَا شَبَابِكْ بِيُوَدِّعْ شَبَابِي
وَبِتَخْتِيرِ الْأَيَّامَ ، وَبِتَمُوتِ الْقَصِيدِي ...

قدريش بحبو

شو بدك قلو يا إمي

شو بدك قلو

إيدو فوتها ب كمّي

وسرق مني أغلى كلمي

أنا بحبك قلتلو .

شو فيّي أعمل أكثر

سحرنني بنظرة عينيه

تمو يا لوز وسكّر

والجنّي بلمسة إيديه

وبيعمل شو ما بقلو .

كلماتو كِلا نعوميّي

عا الجنّي عم يفتح باب

خاف يفلت من إيديّي

شكلو يا إمي جذّاب

وريتو يسلملي شكلو .

رح قَلَو يَجِي عا البيت
تا يَطْلَبني ويخطبني
متلو ما بعمرِي حبيّت
ساحرني ومجنّني
وَآخذ لي عقلي كَلَو

الكلمي بتجر ح

بصلِّي بس شو نفع الصلا
أُنْ كانت صلاتي للحلا
بصليلك بناديكُ بوميلاك
بينزل على الأرض رُبوات العُلَى .

پرکع بعد شمس الغياب
وبكتبك بدمعات الحنين
صورتك عم ب غطيّها الضباب
مثل الورد عا مفارق تشارين .

يا حبيبي شو جرالک ، شو بدا
تا اهجرت دربي وتركت الياسمين
کِتّا أحبّا وlish تا صرنا عدا
سرقنا الزمان ، روليش نحنا ناسيين .

بها الكون الكبير ما لنا مطرح
ليش يا حبيبي تا صرنا مهجرين
السكين لا بتقتل ولا بتجرح
الكلمة حبيبي بتجرح السكين

بلادي انا لبنان

تزلحق الوادي

ولجبل عّلا

بعبد بلّادي

بعبد الله

بعبد بلادي

أرض أجدادي

تراها بخوّر

والحجر بلوّر

مين حسنّها تحلّى

يا بلاد حبيّتا

وبالحُبّ ضويّتا

بقلبي إلّك مطرح

عا إسمك بيفرح

غنّى لّك وصلّى

وباس إيديك
وكرمال عينيكَ
قدّم القربان
بلادي أنا لبنان
بلادي الحلا ، وأحلى

إلى ماجد الحبيب (بين عيد وعيد)

بين عيد وعيد
رحت بعيد
تركّت السني
قبل راس السني
وراحت معك بهجة الأعياد
وأنطفت وحدا مغارة الميلاد .

لَ وين رُحت ولىش
ما عدت جيتُ
قديش بندهلك انا قديش
غاي في إنتُ
ولَ وين رحتُ
بعد ما كنتُ
ولىش ما عدت جيت
ومعقول تتساني وأنا ما نسيتُ !!

تَرَكَتْ أعيادنا رماد وصقيع
ودموع بتتقطّ وجع
بتكرج حزن ، بتزيد الؤّع
دمعي إِلْكَ مشتاق
تا يغسِّلْكَ ... بأشواق
ويرجّعْكَ
قبل ما تضيعْ
مع تلج وصقيع ...

يا حبيبي رحّتْ
وتركتْ
البكي
يحفر على خدودي قنا
ولا عدتْ عا صدري تتكي
ولا أنا ، عدتْ أعرف مين أنا

ليش تاركني
بِ ظلمة عذابي
يا ملاك خدني
من عالم تُرابي

عطشان شربني

جوعان شبعني

من ريحة إيديك

من طهر عينيك

أحرسني

أنا فزعان

والزمان

شو نفعو الزمان

بلا عينيك

يا ملاك ، ما تتركني وحيد

شموعي أنطفيت والقنديل

بدو زيت

يا ريت

بترجع إلي من جديد

تا يضوي البيت

بلا قنديل

ليش تاركني بالعذاب
شو نفع الحكي
شو نفع البكي
لَ مين بدَّك اشتكي
ليش تأخرّ التراب ،
بيعرف شو بدّو
معقول ردو
لو دقّ شي ليلي عليّ الباب ؟

بُكرا إذا لَ عندك وصلت
أُغمّرني بإيديك ، ولو كنت كافر
آخذلك معي ، كمشات حُبّ وحنين
ودخان المباخر
ومسبجا من جليد الدموع
وصنوج ورنين
وانين
أوجاع الشموع
وقصيدي ، عنوانها : أنا مسافر ...

أنا مسافر، حضّر لي العشا، وصبّ كاسي
أخذ معي كل إحساسي
وزينة الميلاد، ومغارا
وعا راس السني بهديك إسوارا
من ذهب

بنار جنتي عملتا
اسنيني أنقلبت ورقتا
دموعي الذهب، عيوني السني ،
زنودي وقلبي وحبّي إلّك ، أجمل مغارا

بلادي وحبيبي ...

عِدْ صخور بلادي عِدْ
وعدني ولا تخلف بالوعد
زنودك صخر
عيونك بحر
مضيئني بين جزر ومد

احملني مثل سنونو وطيور
عا بلاد حدودا عصافير
منجمع قش
منبني عش
سقفو جوانح فرافير
مسيح بسيوف من المجد

عا بلاي ودّيني وضلّ
نفلح جَلّ ، ونزرع جَلّ
بلادي حُبّ

وأرزا رَبّ
عا بلادي خَلِينِي فُلّ
بلادي شَوْكا باقة ورد .
إنتَ يا حبيبي بلادي
يا حكاية بحر وصيّادي
خَلِيّكَ قَرِيبِي
رفيقي ودربي

عمّرلي أَوْضا زيادي
وَحْدِي عا البحر
مضوّيها الزهر
ووَحْدِي بالجرد
غامرها الورد

أَجْمَلُ مِنَ الْبَحْرِ

شَقَرَا حَلِيوْ عَنَاقِيدَا
وَشَوْ عَنَاقِيدَا بِلُونِ الطَّهْرِ
بِتَسْكُرْ مِنْ لَمْسَةِ إِيْدَا
وَبِالْخَوَابِي بَعْدُو الْخَمْرُ .

عَنَاقِيدَا هَا الْبَيْضُ وَشُقْرَا
وَكُلْ حَبِّي بَتَغْمَرْ اخْتَا
وَعَنْقُودَا هَا الضَّمَّةُ غُمْرَا
مِنْ هَيْكِي غَارِ التَّفْتَا
وَوَلَّعْ بَسْ مِنْ دُونِ الْجَمْرَا

وَتَدَلُّوْ عَنَاقِيدِ النُّورِ
تَرِيَّاتِ يَضُوءُوا الْعَتَمِي
تَا تَتَمَتَّعْ مَشْ مَجْبُورِ
قَرُبْتَ لَ التَّمِّ الْقَمِي
وَشَوْ حَلُويْ لِحَظَاتِ الْعُمْرِ .

عُمْرِكَ لِحِظَةٍ وَمَا أَجْمَلُهَا
هِيَ اللَّحِظَةُ الْأَطْوَلُ مِنْ دَهْرٍ
بِأَجْمَلٍ كَلِمِي بِتَغَاذُلِهَا
بِتَقَلُّ رَحْتِ عَا الْبَحْرِ
شَفَتِ شَيْءٌ غَيْرَ عَيْنِيكَ
وَعَيْنِيكَ أَجْمَلُ مِنْ بَحْرِ

الحبّ أَلَمٌ من القصر ...

قفي كاسيك وأُسقيني يا خوابي الخمر
شفافك حرقولي عمرلي وتركوني جمر

شفافك يا تمّ اللوزي وعين العصفور
يا قصر معباً لولو بابو مسحور
صرلو مدّي يا حلوي قصرِك مهجور
لمنّ نسيوك شفافي عشت بالقهر .

زهرّ وردي عَ قصرِك زرّ بزرّين
ومن قلبي بُنيت بقلبي قلب بقلبين
قصرِك لولا من حبّي ما صار تين
قصر بيبكي عا حجارو والتاني قصر .

بنيتك خلف وجودي وجود معلق
بحبال الشمس تمرّج فيها تغمشق
أنا غيرك مش ممكن حلوي إعشق

إلا ما ضلوعك تبني من ضلوعي جسر
عريش عشب البراري عَ حجار الدار
قصرِكَ حجر يا حبيّ وجواتو حجار
شو نفعو قصرِكَ لولا الحب الفوّار
فوّر حبي ب حَبِّكَ وتحوّل نهر .

بكرا بتمحينا الكلمى وسنين الهجر
وما يببقا إلا العتمى أطول من دهر
خَلّى عمرك يا حبيّ ربيع وزهر
شحاد بيسرق دمعا ، وينوّي الفقر

بنات بلادي

بلادي صبيّ ، والصبايا كتار
حلم الدني غايّة عا إيديهن
وها الكون مركب ، والوطن بحار
مسافر بس ببّحر عينيهن....

بلادي حلوي والبنات
قدّيشن حلوات
كلن هضم
وخفّة دمّ
وللعز حكايات .

بنات بلادي هدي
من ها الشمس الّ ما بتغيب
حكاية صيف وشتوي
وكرة لحن العنديل
من البحر لفوق التلجات

ب قلبي زرعْتُ حُبَّ
تا يفرِّخ حُبُّ بالكون
وبمُجاهل ها الأرض القلب
بيعرف إئو بلادي هون
ثريًا ما بين النجمات

صبايا بلادي من بلاد
بيسهر فوق منها القمر
البسمي عا تَمُنْ اعياد
وبعيونن شوق النظر
العاشق فيهن عاش ومات

قدِّيش إنتو يا بنات
حلوات ، وحلوي بلادي
الطهارة لونا التلجات
ونسَمي عن تَمَّ الوادي
بتتقِّي طهر النيّات

بعد بكير

عا الطريق الّ ما بقي منها طريق
شفّتِك طريقي بالغسق
ولمّحت بعيونك غريق
قلت يا محلا الفرق
عا القليلي بموت وما بنسى الطريق

ومتل حبة القمح موتي للحياة
ومتل عنقود العنب
ومتل بوسة شوق عا شفاف البنات
ومتل رئات الذهب
بتلمعي بقلبي تا تبقى الذكريات

وهبات بتهبي ، وبتهرّ الدموع
تفرش دروبي بأحلامي
والآخ عا شفّتي موجوع
وملدوع من كتر آلامي
ويا ريت ب قلّي انا موجوع .

لا تتركی الأيام تسرقنا
ولا تقولي بعد بکیر
هَلِّقْ تعي تا نشم وردتنا
بُکرا بیفطم زهرها ومنصیر
نحسد بشر ، وفي ناس حسدتنا

أنا ...

خيّطيني بالأبر
وأطربيني بالوتر
أنا بالزهرا رحيق
أنا بالغيمي مطر .

أنا من نسج الخيال
بس طريقي ما أنتهى
أنا من صنع الجمال
أنا حتى المنتهى
ساكن قبال الضجر

بأيّد عم بحمل أمل
وبأيّد عم بكتب إليك
ليش تا خيطي نسل
وليش خيطي بمغزلك
صار للرّني وتر

أنا مين ألك أنا
تا بتعرفي وما بتعرفي
ضاعت سنين المنى
وتغيرتْها التَّعْرِيفِ
بين أبناء البشر .

وصارت حياتي كلَّها
سراج بفتيلو احترق
وسنين عمري بجلَّها
ظُلَّ عا خيالي مَرَقَ
بس بفيَّ الشجر

لا تيأسيني بالضجر
أنا ها الخمر العتيق
أنا مين أهني البشر
انا سراجك عا الطريق
ولا تفكرِّي إني حجر ...

لامية الزجل

جمر ورماد

أنا جمرة شِعِر عا خَدَّ العَسَلْ

أنا همزة قَطْع عا لَفْظَة أَمَلْ

أنا قَطْع الحَنِين بها المَرايَا

أنا وَصَل الفَصيح المُرتَجَلْ

إنتَ يا جَمَر مِن عيني هدايا

وسُكْرَة خُدود الجَمال بها الجُمَلْ

أنا تاج الزهر عا جبين الصبايا

ورقصة دموع الحَلَى فوق المُقَلْ

يا جَمَر إحرق ذنوب وخطايا

وخلّي لقاءك وَصَل بَلّي وَصَلْ

وَفَرَّقْ نُقَى طَهْر النوايا

عا شفاف سكراني بألحان القُبْلُ

وَحَرِّقْ بِالْحَبِّ تَا يَصِيرُوا ضَحَايا

رماد المحبِّي متل أبيات العَزَلُ

جمري أنا بالليل نجمة زُحَلُ

أو قمر لا طُلَّ أو غاب وأَفْلُ (1)

جمر الشعر للشعر رُئَات

للمُقْعَد عصا، وللماشي شلُّ

ورماد فوق الجمر نهداث

بتنقل بقلبي متل نقالات الحَجَلُ

هيك الدني يا حلوتي رقصات

والعمر أفلام بس بيموت البَطْلُ

(1) أفل : غاب

والشعر أربع خمس كلمات

مش قصيدي معلقة كلاً ملأ

وأجمل شعر يلى الشعر همسات

وأجمل قصيدي بكتابي ال ما نعمل

وأجمل حب يلى الحب لمسات

وأجمل صبيى بعدها خلف الأزل

أنا جمرة الجدول يلى جدل

خصل شعرو تاج ب رمش اكتحل

أنا رماد الأرض بتتين الرماد

جلجلة آلام ممزوجي بجلل

أنا ما كنت بحسد الصياد

لو ما كل قات بدو ينقتل

وأنا ما كنت بطلب الأمجاد

لو ما المجد اسمي عا كتافو حمل

وأنا ما كنت سيد الأسياد

لو ما رسول الشعر أفكاري رسل

وإنا ما كنت بـ شهر الحصاد

عم بختزل عمر الزمان الـ ما اختزل

جمري أنا رماد وسماد

وموقدي وقنديل بدموعي اشتعل

يا جمرة الإلهام يا مضرب مثـل

يا خيط أحلامي بـ آلامي انشغل

يا رفيقة الأحلام بـ ليالي السهر

يا شمعة الآمال بـ عتمات الضلل⁽²⁾

(2) الضلل : الضلال

إنتِ العمر لحظات بِ لَمَحَ البَصَرِ

إنتِ شروق الشمس أو إنتِ الطفلُ (3)

احرقني عمري بجمراً آتون النظر

تا يصير عمري عرس بِ مرجانو رَفَلُ

وكحلي برماد شعري أوراق الشجر

تا تصير كل الأرض أشجار ودَغَلُ (4)

واغزلي من دموع أشعاري أْبُرُ

تا تصير علة وجودي، مصدر للعلل

ولفني قمر صـدرك بألوان القمر

ولا تبخلي عليّ، متل ما هوّي بَخَلُ

يا صـديقي الليل عَنّي لا تَسَلُ

أنا إنتِ النهار للأرض البَعَلُ

(3) الطَفَلُ : غروب الشمس

(4) دَغَلُ : الشجر الكثيف

أنا إنت الليالي فحم بليالي الضلال

أنا إنت البحر بدموع اغتسل

يا صديقي ليش فرّقت الحلال

وصار في بيناتنا وادي وجبل

يا صديقي قول وبنوي الكمال

طالما عمرّك بنهر حبّي بينجبل

والعمر كلو متل لذات الوصال

ورقم معلومك بمجهولو أنخزل

والكاس عم يسكر بعينين الجمال

متل زهرا ناطرا دموع الطلل⁽⁵⁾

شعل الفحمات وعبيها السلال

رماد الخلود حمل أفكاري ورحل

⁽⁵⁾ الطلل : الغيم

فحمي أنا مش مَزَلِي للزجل

ولا ضَرْب أوزان من وزن الرَمَلْ

فحمي أنا جمر ورماد السنين

وأشعار من وحي الألوهة بترنَّجَلْ

ونغمات مزروعا زهـور وياسمين

بتشوف حالا كثير عا أعظم دُولْ

ولوحات مرسومة بشهقات الحنين

ورنَّات بتحيي قلوب، وبتناقض دَجَلْ

فحمي أنا بيقيم الميَّتين

بيشفي جراح الناس، وبيختم دَمَلْ

فحمي أنا رماد لعيون مكحلين

لا بيعرف الفشل ولا بيحمل رَغَلْ

بحبِّك يا جمر الليل حُبَّ العاشقين

أو متل شي قديس صلَّى وأبتهلْ

بحبِّك يا جمر الليل سيف بينصقل⁽⁶⁾

ونعجي حزيني ناطرا رجوع الحمل

بحبك لأنو الليل ردلي ديونني

وقادر بعتم الليل أبكي عا الرحل

قادر تشيل النوم من عيونني

ومش قادر تصلح عيون الحول

قادر تجنّ وتضيع بجنوني

ومش قادر تشيل من عقلي الخبل

قادر تحدّ من فكري وظنوني

ومش قادر تجيب قبل وقتي الأجل

أنا حملت كتير آلام وخشوني

حتى المسيح، آلام مش قدّي حمل

⁽⁶⁾ بينصقل : مسنون

قادر يا جمر الليل تحرق جفوني

ومش قادر تعذب، مين عا الله أتكَلْ

أنا يا جمر متلك، مقتول وقتلْ

أنا حبة رمل عا أعلى طللْ⁽⁷⁾

أنا شعري من خيال المعري

ومن نغمة الحسون عا غصون النخلْ

ورقة الكلمات بـ شعري بتختفي

كل القوايف على وزن افتعلْ

أنا يا جمر رمادي ملحفي

وشرشي قاموس للفكر أستحلْ

أنا من فحم على جمري لفي

وليلي بعرس الشمس بالجمراحتفلْ

⁽⁷⁾ طلل : تلة

وَفَرَّقَ حَلَا الْبَسِمَاتِ مِنْ سَحَرُوا الْخَفِي

كَمْشَاتِ طَهَرَ الرُّوحَ عَا كُلِّ الْإِمْلَ

وَقَالَ يَا أَبْنِي خُودِ مَيْتِي الْفَلَسْفِي

وَلَا تَكْجَلْ جَفُونِ الْمَهَا بِالْوَانِ الْكَسَلِ

لِلرَّمَادِ قَالَ الْجَمْرُ خِدْلُكَ هَا الْمَثَلُ

كُلِّ وَاحِدٍ مَشِي عَلَى شِغْلُو وَصَلِ

وَكُلِّ وَاحِدٍ حَبَّ عَاشِ الْعَمْرِ عَمْرَيْنِ

وَكُلِّ وَاحِدٍ تَمْنَى، وَشَوْ تَمْنَى حَصَلِ

وَكُلِّ مَيْنِ جَرَّبَ تَجَرَّبَ مَرَّتَيْنِ

وَكُلِّ عَاشِقِ جَنْ، بِجَنُونُوا أَنْفَتَلِ

يَا رَمَادِ إِنَّتَ رَفِيقُ الْفَرَقْدَيْنِ

وَإِنَّتَ رَفِيقِي بِالْبَطَالَةِ وَالْعَمَلِ

يا رماد حبِّي يا كحل العينتين

كل إنسان غرُبل بدو يتَّحلُّ

يا رماد عمري وينّ الجمرو وينّ

يكوي جروح العاشقين بلا وجلّ

أنا ما كنت أطرى من لجّين (8)

ولا بحياتي عرفت شو معنى المَلَلْ

إحمل صليبك وامشي بلا كلّ

صليبك تقيل ورغم تقلو بينحملْ

إحمل معي آلام البشر والناس

في ناس كانوا أحرّ وصاروا أوّل

وفي ناس كانوا برّقة الإحساس

صاروا بحكم الظلم مجرم مُعْتَقَلْ

(8) لجّين : فضة

تعا يا رفيق ليلتي ونديم الكاس

نوّطي اللَّيَّ علي، ونرفع مين سَفَلْ

يا رفيقي الليل وجفن النعاس

قصة رَمادي الريح أَسْتار وسَدَلْ

وغنّي معي ألحان من خطوط التّماس

وُضِحْكَ مني، وغَمَّضْ جفونو وهَزَلْ

ورَقَّصْ بقايا الجمر بحضرة المتراس

وسَرَقْ عمري وقال ممنوع الفشلْ

سَرَقْ عمري وراح بِ سُرْعَة وعَجَلْ

وتَرَكْ حُبِّي مقيّد بأقوى غِلْ

وكَتَبْ عا الأرض بموهبي وإعجاب

شوف الفَرْق بين اللَّيِّ غَرَدِ وَالْ هَدَلْ

ورسَمَ وَجَّ الحبيب بريشة الأحاب

ومن بيرأوها مامي كل آمالو نَسَلْ

وغَنَّى قصيدي بعنوان الكتاب

جمر الشقا برماد عمري اكْتَمَلْ

أنا يا ليل من عمرك عذاب

ومزهرِّي مزيتِّي بأجمل أسَلْ (9)

أنا يا ليل من طينك تراب

وسقف بيتي تراب بدو ينحَدَلْ

لملم معي أوراق أعمار الشباب

أُنْقَلَبَ فحمي جمرو رمادي أُنْهَمَلْ

يا جمر فكَرَّ معي بتركيب الجُمَلْ

مش كل قاطع صحاري سميتو جَمَلْ

ومش كل كاتب وشاعر سَمِيناه شاعر

ومش كل دمعَة بعين معاناتا زَعَلْ

ومش كل عاشق وعَا الدرب ناظر

بیرجف بیحمرْ من کتر الخَجَلْ

ومش كل قديس ناسك وناضر

ومش كل قاني نحل بعُسلاتو نَحْلْ

ومش كل غيمي بتعني الغيم ماطر

ومش كل سيف بغمد معناتو أسَلْ⁽¹⁰⁾

ومش كل شب صغير مِنْقول قاصر

ومش كل استشهداد دَماتو بَذَلْ

ياجمري نام ب حُضن المجامر

ويا رَمَاد تزيّن بأجمل حِلْ

⁽¹⁰⁾ أسَل : نوع من النباتات الطويل

أنا ما بعرف قول كَلَّا ولا أَجَل

أنا بالإعراب فاعل مش بَدَلْ

أنا من عيوني خضرا مَزَيْنِي

كل ما شفتها ياقلب بيزيد الخلْ

أنا من طيور بألف ريشي ملُونِي

أنا من ريح بشق أبوابي دَحَلْ

أنا من جيل عمر الولدني

وكل مُغرم شافني خاف وجَفَلْ

أنا حبة رمل عا شطوط الدني

أنا موسم ورد من زهرو مَحَلْ

أنا ما كنت بـ عمري هني

لو ما جمال عيونها صدري شَكَلْ

أنا ما كنت شحاد وغني

لو ما خلود الروح، بالروح أشتمل

يا حبيبي الجمر لَ صدرك ضمني

بترحل الأطيّار بعمـر تشرين

وهيك قلبي طار ومن عمري رَحَلْ

حببي البعيد ...

مين قال مش أنت الحلّى كلّو

بتولد الأحلام

والوفا بينام

وبتبرم الأيام

وحبايبنا بيعدّوا وفلّو

والدني بتضلّ مطرح ما كانت

إلا المطارح

نسيتّ مبارح

وصوتها الجارح

متل عتم وليل ساكت

ولو الدني قلّت هنّ ب ضلّو

وبترجع الذكرى بتولد من جديد

من أرض مهجورا

من شدو عصفورا

ومن زنبقا وصورا

بتطبع قُبْلَ ممزوجي بنهيد
لا تعود! بتمنى حدا يقلو

بُكرا يا ريت بتضلك مبارح
وبيضل الأمل
يجني عسل
متلك رحل
وما بدو يضل بالمدى سارح
ويعود يسرق ها الحلّى كلّو

ولو رجع يسأل عن العنوان
ما في جواب
ولا عتاب
ولا بعد غياب
بيرجعوا الأحباب، ويموت الزمان
وإذا عَنو سألني الحب شو بقلو؟!

فُلّقنا عرايا ...

سيهريني واحمليني

متل ألعاب وهدايا

وأُكتبيلي وخبرّيني

عن معاناة الصبايا

والمودّي احرقها

بنار ما بتعرف خبايا

والسعادي علقها

حروف عا طيب النوايا

الدني أحلاما جميلى

ما تفكرّها خطايا

ها الدني علينا بخيلي

بترفض تزيد العطايا

أنا من ليلك نهاري
شؤ استحلوا ها المرايا
ياخدو من الفحم ناري
وما يحنّوا عا الضحايا .

علميني عا المحبّي
يا جميلي بالعبايا
وكسّري طرابين قلبي
يلّي أعوادُن طرايا

وأسرقيني من حياتي
إنت أغلى من مُنايا
وأدمجي ذاتك بذاتي
طالما خلّقنا عرايا

نور . . .

وحدي أنا ومجبور
إمسُكْ بإيدي النور
ويظُلْ اسمي عتم
ويصير إسما نور

شِفْتُكَ وما شِفْتُكَ
زرعتك بعمرِي زهور
وشو صار لو شِفْتُكَ
حولتها منتور !

وسراج عمري ناس
وشِفْتُكَ ما بين الناس
حسيت، والإحساس
بالدمع خَطْ سطور

وإنت ما كنتِ هون
ساقب دمعَتِ اللون

شو عرّفك ها الكون
بحرف ((الإلى)) مجرور .
صار الصرف ممنوع
والصوت مش مسموع
وحدود كَلّا دموع
مبروزا البلّور

جيت بلحظة وعد
وما تَرَكْتِ عهد
وكرمال نظرة بَعْد
وكلمات كَلّا سرور

حسّيت إني جيتْ
عا عالمي وما نسيّتْ
ولّع علب كبريت
وطفيلك الديجور

وقلّك ما بعرف قول
وبستحي ومخجول
وبخاف إني قول
بحبك أنا يا نور ...

شو بدّك . . .

بدّك قمر، القمر حدّك
نايم وسكران من خدّك
شو بدّك قولي شو بدّك
الكون وجمالو والحلى عندك
واكتر من هيك شو بدّك .

شفت المعصرا ودبس أشقر
وموآل بالخلقين عم يسكر
وهمسات عم تغلي وتتذكر
كروم العنب والحلى منظر
إنت الجمال والحلى عندك
وأكتر من هيك شو بدّك .

مرحبا يا خوابي الخمر
يا دِنَ أَسْمَر والقناني حُمر
يا حاملين الكفر والطهر

يا بدايي ويا نهاية عمر
فَكِّي أزرارك الخمر نهدك
وخلّي شفائي تقول شو بدّك .

يا زبيب أشقر ودبلان
وجرن كبّي محيّد وزعلان
يا برّيق من فخار شو عطشان
يا رغيّف خبز الصاج شو فرحان
مبسّط ومرفوق عا زندك
وغير خبز وحبّ شو بدّك

رقيّ معي خبز العاطفي
نحنّا ما فينا نحصد عاصفي
فيك تسرقي كل عواطفي
وتبعديني عن أعزّ معارفي
وتجمعيني حروف وتاخدي مجدك
هيك بدّك ! وفيك إذا بدّك .

مش عارف شو بدك عا الأكيد
ولا العيد عندك بالمعاني عيد
والابتسامة يمكن تصبح نهد
والعاشق المغروم معناتو شهيد
أنا متلك مش عارف شو بدك
ولا كيف بدك، ولا أيمتي بدك

إنتَ الأطيب

هَرَّ الورق
وصار الشجر عريان
واللّي مَرَق
مزَيَّن بتيجان
داب أُحترق
مثل الورق
أو كومة الجربان

والشوك مش شَوَّاك
والزهر مش باقة
مثل العطر بِلِقَاك
وكثير مشتاقّة
لجسد عريان

والجسد مش روح
بس الجسد طيب

لا تقول فيك تروح
وآمالنا تخبّ
وتفلاً! ومعي سهران

الشعر ما بيغني
عن جسد تاني
ولا تقول بتغني
وبتألف غناني
وتطرب السهران

شمعا أنا وياك
لا تبتعد عني
بفرح أنا بملقاك
إنتَ معي الجنّي
وانتَ معي الإنسان ...

المجد عم يسكر ...

لا تتركى الفخّار
من الخمر يسكر
يَلِيّ أُحترق بالنار
بالنار عم يسكر ...

موال

النار الّ بتشعلْ غابات
وبتُحرق كل شي أَخضر
وما بتقدر تحرق دمعات
فوق الجمر بتتقطر

وكل حلوي في إلها يوم
بدأ تبكي وتتذكر
مثل الحلم ومثل النوم
عند الفجر بتتبخر

لُفي بعينيك عيين
أزرق أبيض عا اخضر

ما عدنا يا قلبي تتين
صرنا واحد مش أكثر

صرنا واحد جسم وروح
مثل هلال وعم يكبر
بتروحي مطرح ما بروح
منرقص منغني منسهر

وتمضي الأيام بلا عدّ
وليش تا نعدّ ونتحسّر
عا جفونك بينام المجد
ومن عينيك عم يسكر

عناقيد العوسج . . .

ببتذكري لما تهامسوا الكلمات
ونعُوسوا دِيننا
وكرَجْتُ على شفافنا البوسات
وغَفِيتُ بعينينا
مَنْ يومها فتَحَّوا الوردات
وسيجَّوا علينا

موال

والعوسج صار عناقيد
بيضا بلون المحبِّي
وشوكو علَّقَ إيد بايد
وحلقتْ بعمرى من جديد
وشعلتْ النار بقلبي

العوسج أبيض مثل الطهر
ومتلك يا قلبي وحبِّي
ليش تا مُنك غار الزهر

وأطباقوا ازرقّوا من القهر
وزهرّ دربك عا دربي
وغاروا طباق البيلسان
ونقّط بالأسود حبّي
زمرّد قولّي أو مرجان
لا تضيعي هيدا العنوان
فيك بقلبي تتخبّي

يا مرحب ويا هلا ...

اشريت كاسي وما انتلى
وعا طول بتقليّ بلا
شيطان بعيون الجمال
بتعشق بتهوى الحلّى

شيطان بعيونك عجيب
لا قريب ولا غريب
متل غيمي ملوّني
بتحمل الحلم الهني
وبتهرب حدودك فلا

بتسرق حيني بالنظر
يا حدود لوّنها القمر
وعينين لوّنها الغروب
ما أجملك باقة طيوب

بعطرا الذكي ما أبخلا
ما أجملك ما أطيبك
ما أروع الجلوسي معك
مثل السعادي بشريك
وعا جبين عمري بطبعك
بكلمة يا مَرَحِبُ يا هلا....

مِدَّ ايدَكِ ...

إيدك مِدًّا واسقيني
الزهرًا بتدبّل من دون مَيِّ
يا آخذ مني اعطيني
اعطيني بالقليلي شوي
اعطيني اسقيني رُوّيني .

خَلِّي ايدَكِ تلمس إيدي
لمسي عن لمسي بتفرّق
انتَ مواسم خير جديدي
وانتَ شمس الحب بتشرق
عا الضيعة وعّا المديني

إنتَ جنوني ومش مجنون
إنتَ مارِد مش نمرود
إنتَ عيوني وأحلى عيون
إنتَ عابِدي و معبود
انتَ الدنيي بعمرّي وديني

ليل وكاس وخمر ...

طلّت مثل شي حلم أشقر
وطلّ القمر من وجّها الأسمر
وتهدّت تهيدة العشاق
متلها مثل شي مشتاق
لشفاف خمرّي يمّجّ ما يسكر

والكاس عم بينوس مئو الخمر
مثل عتم الليل ناظر فجر
بتشرب بتشرب وتعود بتتذكّر
إنو العمر مشوار مش أكثر
وكل ما شربيت بعينيهما الدني بتزغر

ضلّي معي الأيام ما بترحم
والجمر عا فراق الهوى فحّم
عودي لنا تا تعود
أيام الكرّم والجود
والعنقود واللوز والسُكّر....

فِيْلا مَعِيَ

مَدَّيْتُ إِيدِي عَا الْحَجَار وَصُرْتُ
اَمْسَحِ الْبَصْمِي، وَبَوَّسِ الْحَيْطَان
لَا رُحْتُ، لَا فَلَّيْتُ، وَلَا قَدَّرْتُ
كَمَّلْ طَرِيقِي، وَمَطْرَحِي ضَلَّيْتُ
وَمَنْ سَحَر عَيْنِيهَا اَدْمَجِ الْأَلْوَان

وَصُرْتُ لِمَلَمِ حُرُوفِ مَمْحِيَّيْ
وَمَخْتَفِيَّيْ بِخِيُوطِ الْعَنْكَبُوتِ
وَقَوْلِ فَيَّيْ، بَسْ مَا فِيَّيْ
وَكَيْفِ فَيَّيْ ضَيَّعِ الْيَاقُوتِ
الْمَزْرُوعِ فَوْقَ رَمُوشِ عَيْنِيَّيْ

وَصُوبِ الْخَزَانِي مَشِيَّتِ عَا السِّكِّيتِ
وَشَمِيَّتِ أَجْمَلِ عَطْرِ مَتَخَبِيَّيْ
وَبَقِيَّتِ وَحْدِي وَمَا قَمَتِ ضَوِّيَّتِ
خَفَّتِ قَلْبَهَا يَفْلُ مَعَ قَلْبِي
وَبَقِيَّتْ وَدُمُوعِي مَعَا بِالْبَيْتِ
وَصُرْتُ نَقْيَ بِلُوزِ وَفْسَاتَيْنِ

وحسّ ايديها الّ عم تتقيّ
ونام عا إيدي شال الياسمين
وتا غنجّوا ، هيدا مطلبّي وحقيّ
وحقيّ بلولو الدمع طرّز فساتين

وقرّبت صوب التخت عا مهلي
حامل صدى الدعسات عا كفيّ
وركعت حد التخت اطلب وصلّي
واشرب خمر تا بس ما قفيّ
وخايف يخلص الكاس ، وتقليّ

وصرت غنيّلا ، غناني ملوّني
وعا وتر قلبيّ إعزف الألحان
ومتل السندياني فوقا انحني
وظلّلا بوراق من لون الزمان
وفتّح جروح القلب لَ عمر الولدني

وحسيّت النفس يحركّ لحافا
وعطرها يرّهر على شفايفي
وخفت تا شفايفي يقطفوا شفافا

ويوعى حلمها الحلو الداي
ويبعثر الورد المشلوح عا كتافا

وصرت عا جريها انسج خيالي
خيطان من لون الجمر والنار
بالسما في غيوم، والهوا شمالي
ولا شفافها الخمر، ولا أنا الخمار
ولا الخابي بتشفق عا حالها وحالي

وبقيت كل الليل سليها
احكي ويرد الصدى الكلمات
ومن كل وردي لون إهديها
واسرق من وراقها احمر البوسات
ومن دم قلبي خمر اسقيها

وغفيت، ومدري كيف مرّ الوقت
وطلّ وج الصبح يندهلي
ووعيت، وما بعرف خفت
ولحافها قبيّت عا مهلي
وما لقيت إلا الشرشف الأبيض
وخيالها النائم معي عا التخت

اسمك ...

اسمك مطبوع على شفائي
لا تخاف، لا لا تخاف
بهجر عا العالم كلو
ويلي بيعشق يا دلو
بيبقى نايم ومش غاي

اسمك مين قال ما حييت
اسمك بيضلو ال يا ريت
إبقى بقربك كل العمر
وما بيتعب غمري من الغمر
ويتكي راسك عا كتاي

العاشق متلك نيالو
بينام وفاضي بالو
قمر بيضوي عا الناس
وكرمال القلب الحساس
عا جمرو بيمشي حايف

نامي يا حمامي...

نامي يا حمامي
سبقوك الحمام
نامي بأحلامي
الحلم ما بينام

عينيّ مرجوحا
وفراشك حرير
أيديّ مفتوحا
تا تلمّ العبير
وتا تهدي السلام

أنتِ ها الوديعه
والقلب الحنون
زيّنتِ الطبيعة
بالخضر العيون
وبورد الغرام

لا تجنّي وتفلّي
وتكوني الجلاد
حدّي دخلك ضلّي
أنا مش صياد
تا قوّص حمام

أنغامي وضحكاتي
من قلبي بوديّك
إنت فجرّي الآتي
نامي تا غنيّلك
يلاً تنام، يلاً تنام

متل ما بكون ...

بحبّك تكوني متل ما بكون
بحبّك صلا عا تمّ ها الحسون
بحبّك متل ما بتغفا الفراشي
أو متل قنديل عاشق ومجنون

بحبّك مرايي بتعكس جمالك
أو نور عم بيرافق خيالك
ما أجملا العينين يّلي نورها
مضوّي عا حالك بليل حالك

ما اروعك لو بتهديني الجمال
كنت الغني والغني مش مال
كنت قادر أعملك ذاتي
وعلقك قوني بدهب سلسال

ما أبدعك ، شكلك نحيل
متل سحر الشمس إبان الأصيل
يا قاعدي عا عرش مملكة الجمال
إنتو الجميلي وما حدا قدك جميل

بتسكري مِنِّي ...

ودّعي الأزرق ، صُفي

ولا تختفي

عَنِّي

وكل ما انتِ بتلطفني

بتقرب الجنّي

كل ما الزهر بيوجود

بيزيد الرحيق

وكل ما الخشب بالعود

بيقولو عتيق

بتنعم الرّني

كل ما قربتُ منك

قولي قراب

وكل ما شربيت منك

قولي شراب

وكل ما بشرب أنا

بيسكروا دموع الهنا

وبتسكري مِنِّي ...

عرزال ...

سهول جلّول تلال جبال
طيور زهور حقول غلال
جيت لعندي وكان الليل
وبيتي يا تعتير وويل
تا ما تخايف وتغلي
وبقلبي دوم تضلي
عملتلك قلبي عرزال

زينتو بلولو والماس
حتى متو يفاروا الناس
وتبقي معي قصة ولحن
وننسى وما منعرف مين نحن
وننسى العالم ل مدّي
زنودي فرشي ومخدّي
ولحافك زهر الوزال

وتبقي بعمرى عمر جديد
لا في ملوك ولا عبيد
إنتِ يا صوت الشلال
من دموعي نسجتلك شال
ومن خديّ زهرا ووردي
تا دَوم تضليّ حديّ
ويغاروا كل العزال

وها العرزال براس الجرد
مسقّع نعسان من البرد
لما جيت شع النور
وغردّ حسون وشحرور
ودفّيو وراقو واخضروا
وخجلوا ودبلوا واحمرّوا
لما طفينا المشعال

ندى الربيع...

شو الربيع بلا ندى
وشو القصور بلا حدا
إنتِ يا قصر من الجمال
انتِ يا عمري اللي أبتدى

إنتِ الربيع وشو الدني
من دون زهرا مفتحا
إنتِ يا قلب بيعتني
بقلوب بيضا مجرّحا
بس من عطر الندى

ما أجمل الطلّات والضحكي
مثل الملاك طلّتك أبهى
وجسمك الممشوق شو بيشكي
وصوتك الرنان يا أشهى
من النسيم الّ ما انهدى

بحبِّكَ صلاتي رُبَّما
واسهر معك والكاس
وعيونك الخضرا كرَّما
تا الناس
تحسدني وما إحسدا

ما أطيِّب الكاس الرنين
ولمسْ إيديك غوى
يا ساكني بقلب الحنين
ويا هاربي خَلِّي الهوى
يهدي حنينو للهدى

بحلْمِكَ كاسي الذهب
يلِّي بدمعاتو أنْتلى
اسمك على جبيني أنْكتب
اسمك ندى وعطر وحلى
وعطر الحلّى نَقْطُ ندى

إنتِ الأَجْمَلُ ...

عينين لا أجمل
والحلى ما كان
لو ما الحلى تكحلّ
من رمشك الفتّان

وسنابل من الحب
هربّها الحصاد
والقلب وحدو القلب
خايف الجلال
وسيف الظلم هريان

لا تقتلي بعينين
مش قاتلي أنتِ
بس أنتِ وبين
ووين ما كنتِ
كفرك غدا إيمان

نظراتك رهيف⁽¹¹⁾

وليل ساكن بالجفا

والريح بالشجرا حفيف

والآخ بالدمعا شيفا

والحب بعيونك زمان

جنّي وها الدنيي جنون

ساكني على ديك

وغطّ عا شفافك سُكُون

وعا رموش عينيكَ

نام القمر زعلان

⁽¹¹⁾ رهيف : رقيق الإحساس

بدّي ...

ما بدّي قصور
فاضي من المودّي
ولا بدّي نسور
تبقى مستبدّي

بدّي حبيبي الّ غاب
يرجع من غياب
يشفي ألم
وتبقى الّ نعم
مرسومي عا خدّي

ما بدّي قصور
معمّرًا من حجار
شبابيكها بلّور
والساكتينا حجار

بدّي حبيبي يضلّ
يمر شق زهور وفلّ
وما يفلّ
قبل ما نوّار
منّو يغار
ويقطف عن خدودي
ألف وردى

ألف بوسي . . .

بالحلم لاقيتا
بالقلب حطيتا
انتِ يا ها الزنبق
الْ ب شوفك بيعلق
وبيقول حبيتا

إنتِ من دني
بتخلق بالسني
كذا مرّات
ولو فَطَمُوا الوردات
وردتي البيضا
بعبك أنا لقيتا

لا تخبري غيرك
ريش جنح طيرك
ورفوف حدّ رفوف
والقلب شو ملهوف

وصورتي هديتا
إليك ها الصورا
بالقلب محفورا
وتاج الملك
وَألف بوسي إليك
بالريح وديّتا

حُبِّكَ بِقَلْبِي ...

يا حبيبي بخاف تتركني
وتروح ما ترجع
وما تعود تسمعني
ولا أنا بسمع

واسأل يا حبيبي عليك
وما يخبر حدا عنك
من هيك ، تاركي بعينيك
ومضة أمل منك
بليل اليأس تلمع

وتفوق يمكن عليّ
ويشتعل قلبك
وتشوف وجك بعينيّ
وتعرف أنا بحبك

بحبِّك بصليلك وبركع
قدّام صورتك بحكيا
بوشوشا بالسر
وكلمة بحبِّك بهديا
من الطهارة زرّ
تا تصير كلمة بحبِّك
من السما أوسع

راغب...

قمت بالواجب
مين قال مش راغب
كرمال حبِّي صرت
لا عاتب وعاتب

وقدّمت ما فيّ
من نور عينيّ
للوفا هديّ
بس الوفا هارب

وصار الأمل يزغر
بدل ما يكبر
والحلم ها الأخضر
صار حاضر وغايب

ضوّيت إيديّ
وقدّمون هديّ
من هيك صار فيّ
غير الّ أنا حاسب

يا معي ومش هون
ليش أنخلق ها الكون
وبتسألني عا اللون
والصمنت بيجابوب

مدري أنا مجنون
مدري المحبّي جنون
لا أنا ممنون
ولا أنا غاضب

بعرف أنا ناظر
وقادر ومش قادر

مثل الأمل صاير
حاضر وغايب

بعرف أنا مجبور
قدملها البخور
واغمرا ببحور
شعري وإلهامي
ومش راغب وراغب

أنا جايي ...

سطي ديبك على نعاجي
حاجي بقا تدبجي حاجي
دبختيني بوريدي
وسدّت بواريدي
لا تسكري بعيدي على نعاجي

جايي أنا افرش هنا
وإدبُك معك طرز بلادنا
وغنّي عتابا بلحن الميجانا
ولون العاج يتكحلّ بعاجي

وغنّوا عتابا تا يزهر عاجنا

نحن من ميسمك سرقتنا عاجنا
ورمان صدرك ناظر عا جنّي

أنا من سنين خدودك عاجنا
وخبز مرموق قدّم للحباب
جايبك شلحا وزنار
وشال مرصّع فِلّ وغار
ضووا وضحكوا حجار الدار
وبرج العقرب يا روعي
سيطر عا كلّ براجي

سُمخ وورق . . .

ها الدني أوهام ووجودا سراب
تشحُّور القنديل وفتيلو احترق
ما تفتح بواب، ما بتسمع جواب
وردة الجوري، ما بتعطي حبق
ها الكون وحش بغاب أو سرداب
غيرك وصل عا المفرق، وعكسك فَرَق

ها الدني إنسان، عم يشحد زمان
أيا وطن أو دين أو دنيا أعتق
إذا شفت النار ولهبتها دخان
يعني الزمن اسودّ، بالنور افترق
هيك الزمن عم يحرق الإنسان
متل ما بيحرق الشمس الشفق

الإنسان ! شو الإنسان ! خبريات
قالوا قَبَسْ من نور جَوّات النفق
حامل عا كتفوا هموم وخيالات
شففتو متل شي طيف عا الدني مَرَق
هيك العمر بتحدّدو بساعات
مهما سَرَقَت المجد بدّو يَنْسَرَق
صرت الدني عم شوفها حكايات
أو لعبة ولاد زغار من سمخ وورق

نَحْنَا مَلُوكُ الْهَوَى

إِنْتِ وَأَنَا عَا دَرُونَا مَشِينَا

وَالدَرْبِ مَنْسِيَّ

وَطَيُور عَا الْمِيلِينَ رَحَبُوا فِينَا

بِأَلْفِ غَنِيَّ

موال

وَضَاعَ الزَّمَانُ وَمَيْنَ يَهْدِينَا !

مَا زَالِ فِينَا نَكْمَلُ الْمَشْوَارَ

كَرْمَالِ هَيْكِ عَا الدَّنِي جِينَا

طَيُور عَا الْمِيلِينَ

اسْطَفُوا تَتِينَ تَتِينَ

عَسْكَرْ بَدُونِ سِلَاحِ

إِيمَانَهُمْ بِجَنَاحِ

موال

وَشَوِيَّةَ صُلَى

هَنْيَ الْحَلَى

وَالْكَلَامِ أَلْ مَا أَنْحَكِي بِالْعَيْنِ !

وين كِنَّا لا تقوِّلي وين
دروب الحب بتهدينا
نَحْنَا ملوك ! وعا الصفَّين
طيور ، و عسكر حامينا ...

دروب بعيدي بهاك الجرْد
مضوَّايي بقمار زهور
مات الشوب ، وبعْدو البرْد
بتدْفى بجناح طيور
عينينا عا جبين الشمس
وبخيال الوردي مشينا

والعسكر جيشو جرار
عم بيقدم تحيّي
لا تقولي للخمر سكار
يا سكراني بعينيّي
دبتْ وسكرت فينا
جَرَحونا عينيكِ السود
بسحر عيونك داوينا

مِنْ السَّرَّاقِ

أنا بعلمي مش سَرَّاق
ولَ عِنْدَكَ سِرِّقا جايي
قلبي ، يا قلبي مشتاق
مشتاق وإنَّ الغايي
وبَدَل ما يكتب مكتوب
جايي يقدِّم للمحبوب
ألْ ما بيتقدِّم عا الوراق

أنا مش سَرَّاق قلوب
سَرَّاق قلوب وأرواح
أنا بعينيكِ مجذوب
أنا الخمر بالافراح
وانتِ يا أجمل باقا
يمكن متلي مشتاقا
وقدِّي ما حدا مشتاق

أنا جايي لاقيني
وشو بدك من حكي الناس
أعطيني إيديك هديني
سكراني الخمر بالكاس
إنت خيط العنكبوت
يلي بيعشق ما ييموت
واللي بدوق شفافك
ما بينسى شو بعمر داق

دموعي خمر ...

صُبَّ دموعي واسقيني
دموعي خمرًا خلّقاني
وكل ما فضيت قنيتي
بتغار العين الثاني

صُبَّ دموعي وتذكر
كل ما تكبرّت بتزغر
لا في أشقر أو أسمر
وما في أسود أو أصفر
منين ما كان
ها الإنسان
إنسان بعالم إنساني

جيت لِعَنَّا مرّا تتين
أُسم الله عليك ويخزي العين
ما اسألنا إنتَ من وين

وأيا دين وعرق ولون
وحبيبتاك
وما نسيناك
ليش تا أنت تتساني

وين ما تروح دموعي كاسك
وأنفاسي بتحيا بأنفاسك
وإحساسني معانق إحساسك
ورموشي تاج على رأسك
لا تجافيني
لا تعادينني
إنت دموعي السكراني

لا منلتقي ومنلتقي

صدّقيني واصدقي
لا منلتقي ! ومنلتقي
إنشديني وأطربي
بغرامي بتعلقي
وعن غرامي بتكتبي

كذّبي وقولي تعا
تا الثواني نجمّعا
ونللم حكايات
زرعوها البنات
بلطف عا حدود الصبي .

وبكذب أنا عليكِ
وبقول عينيكِ
أنقى من البلّور

من الذهب بقصور
ومن لون الخبي
وبدَوِزن الكلمى
تا تعشقى تمى
وتغفى على كتافى
وتقرى على شفافى
شعر الهوى الداى
ومن معينو تشربى

يا شمس غيبي

بعبّـيلا ها الليل عطور
وبقطفلا باقة وردات
وبسرق من عينيها النور
وبشحلّ كل الدمعات
وبودّي بساتين زهور
تلوّن عروة ها الغيمات

وبسهرّها حتى الضو
يعود يرقصّها عني
وما إسمع كلمة ولو
اوعا تروح وتتركني
لبّس ها الفجر بلوزات
زرّارا باقة من النجمات

ويمرق ليل بجنح العتم
وخبيّها بمشالح ليل

ويبقى النجم يغازل نجم
للمشمس المربوطا بخيل
بدأ تلون ها النجمات
تا ترسم أروع لوحات

يا شمس الفجر المحبوب
غيبى وحياتك غيبى
با ما دابو عليك قلوب
دخلك ردّي حبيبي
تا يمسح كل الدمعات
واسرق عن خدّو البوسات

هذلك معي

ضلك معي

تا الليل يمسح أدمعي

ويركع يصلي

دخلك لا تقلي

يا مواسم الغلي

ضوي بعتم الليل

بعينيك عذابي

أحرقت شبابي

وغلتي ... صارت بلا غلي

ضلك معي الليل عم يسهر

والقمر سهران

زعلان

عم يزغر

وحدي أنا غرقان

ب عالم النسيان ،

غَلِي
مَعِي وَصَلِّي
أَيَّمَتَا النَحْلِي
بَتَبْكِي عَلَى الْقَفْرَانِ
وَأَيَّمَتَا الْبَحْرِ
بِيسْأَلِ عَنِ السَّلَى ؟

ضَلَّكَ مَعِي
الْمَجْر سَهْرَتِي
الْبُعْد حَيْرَتِي
حَزَنِي فَرَحْ
وَلَيْلِي سَبَّحْ
بِبحر عَيْنِيكَ
يَكْمَشْ سَمَكْ
وَمَعْقُول سَمَكَاتِكَ زَغَارْ
بِيَزْحَطُوا مِنِّي
بِيَهْرَبُوا مِنِّي
وَأَنَا بَحَّارْ

هارب ، ومعى تذكار
عودى قبل ما الليل
يسرق الأعمار
ويترك على الحيطان
شحتار
من فحم الألم
من جمر العدم
من ليل الانتحار
ضلك معى
العمر مشوار
وكلنا بها الدنى
زوار

ضلك معى
ساعتي بإيدي
وقفت عقاربها
وحدي عقارب
خايف وهارب
وعمرى معك دقات

ضلكّ معي حكايات
عن ساحر وجنيات
عن عرس

وعن رقصة الحلوات
بنور الشمس ،
ضلكّ معي، ارجوحا ونعم
اتمرجح بعينيك ونام
وما أعرف معنى الندم

مار تقلا

دخلك مار تقلا صوني
بلادي الّ أغلى من عيوني
إنت الإم، ومين غيرك
حامي كل المسكوني
مار تقلا إحمي أهلك
كل واحد صلي، أهلك
بالحنان بتحمينا
بالنظر بتداوينا
أحفظينا ولا تخلينا
نضيع بدنيي مجنوني

للفادي شو صليّنا
وعا شباكو طليّنا
عطّانا النعمي بالإيمان
ومن قلبو فاض الحنان
لا تخافو باقي لبنان
عا صدر العالم قوني ...

شو الجمال . . .

بِسْكُبْ دَهَبْ

بِعْمَلْ أَسَاوِرْ

وِخَوَاتِمْ جَوَاهِرْ

بِسْكُبْ نَوْرْ

مِنْ حَسَنِ الْقَمَرِ

بِزَرْعِ مَنَائِرْ

وَوَبَحْرِ هَادِي

مِثْلَ عَيْنِكَ

بِشَقْفَةِ حَجَرِ

بِكَوْنِ دَوَائِرْ

بِسَكْبِ مِنَ الْوَرْدِ

عَطَرِهَا الرِّيَّانِ

وَقِرْصِ الشَّهْدِ

وَعَطْرِ الْوَرْدِ

يَلِيَّ مَرَقٍ عَلَى شَفَافِكَ

نَسِي مِنْ وَينِ

وَمِنْ أَيَّا وَرْدِ خَلْقَانِ
بِسَكَبٍ مِنَ الشَّمْسِ
زَنَارِ نَوْرٍ

بَوَّلَعُوا بِشَمْعٍ
بِضَوِّي شَوَارِعِ
بِحِمَى ظِلْمَةِ الدِّيْجُورِ
بِنَشْفِ دَمْعٍ
بِبَنِي مَزَارِعِ
بِجَمْعِ كَوَاكِبِ
بِزَرْعِ مَسَاكِبِ نَوْرٍ
بِجَفْوَنِ الرَّدَى
وَبِحَصْدِ صِرَاحِ الْحَزَنِ
وَبِمَحْيِ مَدَى
بِشَطَطِ مَرَاكِبِ
وَبِدَجْنِ نَسُورِ

بِشَقْلِ قَلْبِ كَوْنٍ
وَمِنْ نَوْرِ عَيْنَيْكَ
بِقَطْفِ لَوْنٍ

تا ارسم سحر عينيك
بدّي شي مية لون
انتِ معي هون
لا الكون
ولا قلبي بيجمّعك
ولا اللون
لوحة خلود بيطبّعك
دربي شوك وألم
أنا لولاك عدَم
ولا القلم
منّي عم يسرق نَعَم
ولا بهجة الأعياد
والطفولي
بتسكب نَعَم

عيونك خجولي
بتستحي تقلى نعم
ولو بسكب الكون
ويجمّع بحور الدني

وغيوم السما أشكال
والسني
بجمعا أجيال
واللون مسحاً من الدلال
ولو زهور الأرض
بودّيا مرسال
كلُّ قدامك محال
ولو جمعت كنوز
وأُسْكَبْتَن تا اخلق جمال
بتطلعي أنتِ الحلى كلّو
والسحر كلّو
والجمال

بتبلي روحي...

أنا يا روحي حبيّت
حبيّت بقلبي وروحي
كرمال عيونك صبيّت
كاس الخمر من جروحي

ما بدّي تكوني رفيقة
انت وحدك عشيقة
عشقاني ويمكن أكثر
انت أكبر مش اصغر
ومطرح ما بدّك روحي

أوعا تكوني بخيلي
وعا قلبي ميلي ميلي
بشقلبها الميلي الأرض

شيلي الحقد ، وزّتي البُغض
وبعطر رموشك فوحي

ومع النسمة خليّ العطر
يسمرّ شُقر ، يشقّر سُمر
ويغمر كل المطارح
تا بُكرا يبقى مبارح
ويا روعي تبقي روعي

عناقيد السما ...

حَلَّى عناقيد السما
بالوحي تحكي وبالوما
انتِ يا أحلام الدني
عا شِفَتِي السُّفلى لَمْى⁽¹²⁾

طَيَّرْ هَوَاكِ مَعْبدي
مثل الهدايا بتسعدي
لا تسألني عن موعدي
ما بين جفنيك ارتمى

رشي الحنين وخبري
بغيري أنا لا تفكري
انتِ معي عم تسهري
وبتشحدي مِنِّي العمى

⁽¹²⁾ لَمْى : سمرّة في باطن الشفة

أَيَّا عَمَى وَعَمَ بِقَشْعِكَ
وَمَنْ دُونَ حَكِي عَمَ بِسَمْعِكَ
وَمَطْمَئِنِّي إِنِّي مَعَكَ
حَبِّ بِيَسْتَانِكَ نَمَّا

لَا تَبْعِدِي عَمْرِي رَحِيلَ
وَعَمْرِي بِدُونِكَ مُسْتَحِيلَ
لَا تَسْأَلِي عَنِّي الْبَخِيلَ
نَامَ الْكَرَمُ عَا مَعْصَمِي

لَا تَفَرِّقِي بَيْنَ الْكُؤُوسِ
بِالْحُبِّ عَمَ بِعُطْيِ دُرُوسِ
أَنْتِ يَا أَجْمَلَ مِنْ عُرُوسِ
وَمِنْ ثَرَيَّاتِ السَّمَاءِ

قَنّيني ...

ردّي ابتسامة شمس هرباني
حاجي من عيونك تعبي قناني
الشمس راح بتغيب ويضيع الحبيب
وانت جوعاني وما بتقولي جوعاني
ومش هيك بتتعبّي ها القناني

في قناني الحظّ، بالخطّ السعيد
وفي قناني الحب، للحب الفريد
وفي قناني جوهر بالعيد
بس تحت التلج برداني
ومش هيك بتتشرّب ها القناني

في قناني عرق، وقناني نبيد
وفي قناني من جماد ومن حديد
وفي قناني بطهر دمعات العبيد
بلون أسوداد الظلم ملياني
ومش هيك بيكون مشروب القناني
في قناني معتّقاً، وقناني جداد
وفي صبايا بلون أفراح العياد

وفي قناني مهجراً ضمن البلاد
من الظلم والإرهاب زعلاني
وعا المذاهب صار توزيع القناني

في ناس كرمال ناس سكراني
وفي ناس من ظلم ناس هرباني
وفي ناس ما بتعرف تعبّي قناني
ولا بتعرف المُجنّى من الجاني
وهيك بتتفاضل قناني عن قناني

في قناني عم تتعرض بالمزاد
وفي زنود لوثها الكرم بالزاد
وفي زنود صبيعا عا الزناد
ليُكُوا الفرق بين زين وبين زاني
ويا رب نجينا من الثاني

يا قناني العيد ، مرحبا بالعيد
يا قناني الحب للعمر السعيد
يا مجد باقي ترتيلي ونشيد
يا حُبّ ماضي وقوَعِي زماني
لرقيق الحبيب معنّق بالقناني ...

إنتَ جناحي

قلبك بابي ومفتاحي
وانتَ بهجة أفراحي
بالجني يمكن نرتاح
جناحك وجناحي جناح
وتا توصل خود جناحي

صوتك عا شبابيكي ضاع
لا تتركني ليّ رجاء
اسمك بعدو ، رسمك غاب
لا تقلّ قلو الأحياب
داخو من الشرب أقداحي

لو قلّيت بتجرحها
هاك الصورا بمطرحتها
لا تخبر إنك قلّيت
قدّام الصورة صليّت
وبعدك دبّلت أفراحي

بَعْدَنَا زَغَارٌ

تَتَيْنِ عَا شَفَا فِي أَهْتَدُوا
إِنْتَ وَزَغُولِينَ بَدُنْ رِيَشِ
وَقَطَفَ الْبَلَحَ قَرَّبَ مَوْعِدُو
زَغُولِكَ بَلَحَ رَا حَ بَتَصِيدُوا
وَقَدَّمُوا هَدِيَّيْ ، وَفَرَّقَ الْبَخْشِيشَ

وَصَرْتُ مِنْ هَا التَّيْنِ عَبَّي
شَهِدَ ، تَا النَّحْلَ سَخَّسَخَ
وَصَارَ يَتَخَبَّى بِحَقْلِ عَبَّي
وَيَعْبِي جَرَارَ مِنْ دَمْعِ الْمَحَبِّي
تَا يَسْقِي الزَّهْرَ الَّ عَا الصَّدْرَ فَرَّخَ

تَمْنَيْتُ يَكْبُرُ الْمَطْرَحَ وَيُوسَعَ
وَعُشْبَ الْحَقْلِ بِالْأَزْهَارِ عَرْنَصَ
وَشَفَافَ عَا شَفَافَ تَطْرَحَ وَتَجْمَعُ
تَمَصُّ الرِّحِيقَ وَالثَّدْيَ تَرْضَعُ

وفعلٌ (مَصَّ) بمصدرٍ مَصْمَصٌ
ضَلَّيْ هَيْكُ ! ويا زغاليل طيروا
قوي الجانح وريش وطار
تا ترجعوا متلي زغار صيروا
وها الإنسان ما بيعرف مصيرو
كنّا زغار وريشنا وطرنا
وبعدنا بالواقع وبالحقيقة زغار

نحنُ منسامح.....

سامحي وتناسي القهر
وخليها تعود الأيام
لا تنامي ، بتوعى الأحلام
متلك مثل حكاية بحر
بيشفي دمعاً
بيخفي دمعاً
وهيك بيخلص كل العمر

موال

خلف الصخرا ، وعاء الشبّوق
سليتلك قضبان دبوق
أعلقت وأحرقت ديك
لا تقولي قلبك محروق .

أعلقت عا دبقاتي علقا
كنت قبلاً نمرودي
عينيك كانت بلقا

إذا زعلت ما تعودى
صوبى، وتقوللى رُوق .
من جناحك أنقص الريش
تا ما تطيري وتقلّى
لا تقولى نحنا دراويش
نحن من الخير الغلّى
وبالمعجن خبز المرقوق

نحن منسامح روحى
روحى مطرح ما بدّك
ولو خدّت منى روحى
روحى وحدا الّ بتردّك
ولو كنت الجرّن المدقوق .

من وين جينا ...

لا تسألني من وين جينا
ولّ وين بدنا نروح
متل ببور عا المينا
بيشهق عا آخر روح
يا ما قبلنا سألوا السؤال
وضلّو بلا جواب
وصار الغياب
عنوان المقال

والناس عم تسأل ذات السؤال
وهي ذاتا عم تجي وتروح
ومش معروف من وين جينا
ولّ وين بدنا نروح

لا تتعبي بالفلسفة المرّة
ولا تسألني من وين ها الدرة
بس أسألني

عن سرها الكون الكبير
لازم يكون مسير بآمر قدير .
في خالق ومخلوق
في عبد وأمير
ولولا النبع ما تعبّت الجرة
ولا تتعبي بالفلسفة المرّة
في ناس ب قولوا
من وهم جينا
من لا وجود
ومتل ما جينا
هيك بدنا نعود
ونحننا البشر صحرى وغبار
والدني أسرار
شوف الأرض بتبرم وبتدور
ساعا ليل وساعا نور
مين يا عبقرى قادر
يكمش خواطر
يفرط نجوم وقمر
ويخلق من حبوب الرمل
ملايين البشر

في ناس عم تكفر
وفي ناس بتصلّي
وفي ناس عم تحفر
حروف مِبْتَلّي
يا مؤمن برّبك
ضوّي شموع
بالعتم شمعا بتكفي
ونور إيمانك المخفي
أقوى من ساعة ركوع
وشو إلك فضل عند ربك
إذا حبيّت مين حبّك
ويا ناظر تعبّي
المي بالسلكي
مونتك خبيّ
لَ مواسم الغلّي ...

يا ابن الأرض يا كمشة تراب
بالربيع ضايع وبين عتم وضباب
قارن بين حاكم ومحكوم
وقابل بين مكتفي ومحروم

باب القبر ذاتو

بيجمع غني

بيحضن فقير

ما بيرحم كبير

ولا زغير

القبر قدأما مفتوح

والسؤال ذاتو

من وين جينا

ول وين بدنا نروح

مرّا عا الدني جينا

وبدنا نروح

جينا نحصد أمانينا

ونروح

وما بترجعلنا ها الدني المرّة

يا ريت مثل الزهرة منخلق ومنموت

كان الموت إلنا أكبر مسرّة

الحياة رماد

والرماد جمرة

في بـشـر أسياد
أيامهن أعياد
وها الدني ملدّاتنا
بتدفن ملدّاتنا
والناس ماشي
أفلام عا الشاشي
منهن الزعلان
ومنهن الفرحان
وقلوب ملاني جروح
وبضكّو ذاتو السؤال
مين وين جينا
ول وين بدنا نروح

إنتِ معي ...

إنتِ بأحلامي معي
جوهرًا عم تلمعي
ولو بيعدك عني الزمان
إنتِ معي ، وباقي معي

ببقى معي دمة فراق
ما عاد عندي رفاق
إنتِ يا بوسات العناق
بوسي الوجد من أدمعي

إنتِ بأحلامي حقيقا
إنتِ بآلامي رفيقا
إنتِ الحقيقا والحقيقا
لا بتشتكي ، ولا بتدعي

عانقي بعينيك الدني
إنتِ حكاية ولدني
ما تخاف عا السني
مثل الربيع بترجمي

حبّيتُ خيالو... .

طلّ وحلّ وهلّ هلالو
ونور عمري يا نيالو
دقّ أبوابي
غاروا أصحابي
تتاوّزت من الباب وشيفتو
من إحساسي واللّه عرفتو
من دعساتو
من همساتو
حببتو وعشقتُ خيالو

وين الغيبي، يا بو الهيبي
لو رجعتلي ممّا عيبي
إنّك بفكري
عطرك عطري
ارجعتُ ورجعتُ أفراحي
أحمّر ولوّح تفاحي

قطوف ونقيّ
فستق فقيّ
مهما عنك حكيوا وقالوا

اعشقتك لما شفتك قاعد
ببحر عيوني سارد شارد
اعشقت عيونك
قلبي بدونك
مثل خيال بصحرا بعيد
الوحي عم تخنق تنهيدي
لا تتركني
لا تعذبني
قلبي بدونك دافن حالو

إنتَ وأنا والحب.....

اصفروا وراقك يا شجر تشرين
تغطّوا أسامينا
وما عاد فينا
نرجع طيور ونسمع حساسين
يا ريت ما طليّت يا تشرين

بندھلك حبيبي لَ عندي تعا
بَطَلت تسمع ها الصوت الحزين
بدمعا الأرض فينا نودّعا
بس الوداع
وكلمة رجاء
أغلى من الدني، بأحلام السنين

العمر يا حبيبي بإيد حطّابين
ما بيعرفو الرحمي
الحرش عندهن فحمي

وأرض عم تبيكي
ما بتعرف عا مين
تعا عند الغياب
ومع فستان الضباب
نزرع الأفراح، ومندفن أنين

تعا يا حبيبي مش حلو الوداع
تعا قبل ما يموت الحنين
وتيبس على شفتي كلمة رجاء
ويضحك قمر وترحل سنين
وما يضلّ غير إنت وأنا
نزرع قبل نحصد جنى
نجمع اوتار الحب ونوزع رنين

تحوَّلْتُ بعينيكَ

لِيشْ عَم بَتَبْدِلْ عَيْنِيكَ
وَبِعْيُونِي عَم تَتَغَزَّلْ
عْيُونِي دَابُو بِعَيْنِيكَ
وَنَهْرُ مِنَ الْحُبِّ تَحَوَّلْ

دَابُو عْيُونِي وَمَا تَابُو
يَمْكُنْ غَيْرِي دَابِتْ فِيكَ
شَعْرَاتِي كُلُّ شَابُو
وَمُنْتَظَرَا بُكْرَا لَأَقِيكَ
لَشْتَا تَا غِيَابِكَ طَوَّلْ

كُلْ نَظَرَا إِلَهَا مَعْنَى
وَالْمَعْنَى بِقَلْبِ الشَّاعِرِ
ضَلِّكَ وَحَيَاتِكَ مَعْنَا
بِيَكْفِينَا جَبَرِ الْخَاطِرِ
وَلَوْ قَمَحَكَ مَنَّا مَصُولْ
وَعَنَّوَا عَتَابَا تَا نَصُولْ قَمَحْنَا

قَمَحْكَ حَبِيبِي عَا بَيْتِكَ دَكْنَا
تَا نَنْسَى عَذَابَاتْنَا وَدَلْنَا
لَا تَتْرَكْنَا بِالْعَذَابِ وَضَلْنَا
نَغْمَةَ أَمَلٍ بِأَوْتَارِ الرِّبَابِ ...

يَا حَبِيبِي لَا قِنِي
وَعَدَّكَ عَمَّ يَمُصِّلُ دَمِّي
وَعَدَّكَ وَحْدُو مَنْسِيَّيْنِي
بَيْتِي وَخِيَّاتِي وَإِمِي
وَالضُّيْعَا وَحَبِّي الْأَوَّلَ

فَلْيَ وعودي....

بِسْمَعِ صدى كلمات مشدودي
على أوتار من نسج الخيال
بتقولي فَلْيَ ... لا عُدِي
وعا وتر عودي تجرّح الموال

فَلْيَ ... لا تَفْلِي ... ارجعي
ولا ترجعي موقد حطب
موئع سراجي بلهبة أدمعي
والآخ بالريح عم ينفخ قصب

إذا رُحِتِ ابعدي، ولا تبيعدي
القلب مش معقول ما يعيدك
وإذا بَعُدْتِ، ما فيك تسعدي
ما زال إيدي عاشقا إيدك

المرا حُرّاً، ومش كل حُرّاً مَرّاً
فَلْيَ بتبقي بواقعي أحلام

مثل التران ماشي دخانو لورًا
أُطلّعي لورًا ولو ماشيي لُقْدَام

فيك تفلّي، وكمان فيك ترجعي
بس كيف بدّك ترجعي بَعْدَان
قديش بدّك جطب تا تجمّعي
وترجّعي جمر المنقل البردان

فلّي وأرجعي ولا تُوقدي بالنار
قديش فلّ طيور وما فّلّو
الحجر يا قمر مطرحو قنطار
لا تشيلي الحجر بيفضى محلّو

ضلك معي ولا تجرّبي تفلّي
ما زال نحنا هون موجودين
ما بيحرز المشوار، والعمر رحلي
مجانين كنّا وليش نرجع مجانين ...

حكاية سفر

كيف بيولع القلب بلا دخان
علميني يا مها الغزلان
علميني إذا كنت بتعري في
كيف الزمن بيموت تا يولد زمان

إذا كان الزمان صورا مصغرا
جنينة عيونك لَ حالا مزهرا
شو نفع الدني بلا كاس ومرا
وشو نفع المرا بلا زنود الحنان

خبّرني عن طير ما بيعرف يطير
وأيدين عم تزرع وتحصد عبير
وشرئقا بتدفن حياتا بالحرير
تا يصير للجسم الحلو فستان

تعي قبل ما الليل يسرق الأعمار
نهرب عا دني ما فيا أخبار
نعيش بهوانا بلا أشعار
وبلا سلمى والنبي جبران

سنونو السفر اسودوا جوانحا
وإيام الأسى وبعدا مطارحا
الدني أفلام وبعدا مسارحا
بترسم بتمحي بتخلط الألوان

أنا يا حلوتي إلك صليت
وكرمال عينيك الأمل ضوئت
دمعي قناديل وملاني زيت
احرقني عمري ها ال إلك خلقتان

عيونك مراسيل

مين قال مش إنتِ الحلى كَلّو
وشو بيتقلّو
الّ ما بيعرف جمالك
وهاكّ الأعمى يا نيّالو، بس يا دلّو ...

مين قال عينيك
مش أمل
وتممك عسل
يا دلّو النحل، ويا دلّو
بدلّ ما يُعْقَص
بينعقص
وبيموت
صوتك سكوت
وشدّو عا حلّو

مين قال إئو العيون
ما بتقرا
مجنون يلّي بيجهل أسرار المرا
بعينيك انكّتب
شي ما انقال
ولا رخ ينقال
ولو جمر الحطب ، حرق ظلّو

عينين يا حكاية سفر
وشمس عم بتغيب
مات الضجر
وصوت العندليب
عا عيونك عبّر
بيسأل عن حبيب
عا بالك خطر
وضيعت محلّو

عينيك معي مراسيل
عا جوانح عيوني
غَطَّى بِها المنديل
أفكاري وجنوني
رح ينطفي القنديل
مطرحو كوني
ولو عيونك مراسيل
النظرات بِ ضَلَّو
النور عم يحرق فتيل
وما بيحترق كلَّو

نَهْه . . .

نهدِها ضوًّا عليَّ
بهاك الغري في المنسيِّ
وصار النور يسابق نور
تا كمّشتو بإيديّ

وصار النور يغنّجني
وشو بدّو ياخذ منّي
وخلّاني عا جمر النار
سهران وما بقلّو سهار
واعي بيطلّع فيّ

وتحت لحاف في غلّ وفات
وصار يسحبّ ذكريات
وبتموت بقلبو الرحمي
وبنارو شعلّ فحمي
وطفّ الجمر بعينيّ ...

دَيْن

يَمُّ العيون الهاربي
مالي معك لا تواربي
أموال فيِّي دينك
بوسات فيك تحاسبي

المديون شو بيبقى لطيف
مثل الهوى بفصل الخريف
بالدين قَسَطَتِ المهج
وناظر يطل الفرَج
من خلف غيمي هاربي

ردِّي ديونك قَسَطِي
ومعي أنا ما تغلطي
من القلب شقفي اعطيتُ
وتركتُ ست البيت
ولحقت شمسي الغاربي

رَشِّي عَطُورِكَ عَا الْجَسَدِ
يَلِّي عَلَى بُعْدِكَ بَرَدَ
لَا تَضِيعِي سَنِينَ الْجَمَالِ
وَلَا تَطْلُبِي مَنِّي الْمَحَالِ
وَلَا تَزْعَلِي وَلَا تَفْرَحِي وَلَا تَعَاتِبِي

ما حدا

ما حدا قادر يمنعني
إني حبك حتى أنت
إنت بعمرى ولو ما كنت
أنت عمري
أنت خمري
ولو ما شربتو ب عدبني

ما حدا قادر يمنعني
إني حبك لولا أرفضت
لو حببت ولولا أكرهت
حبك غالى
إنت مالى
أنت الكنز الضايع مني

ما حدا قادر يمنعني
إني شيلك بين أيدي
وتصيري النور بعيني

وأعمل تاج
من الديباج
وعا عرش الحب بتتهني

لو شالوك من ها الجنّي
وحطّوا بدلك أجملهن
بتضلي الأجل منهن
فيك تضلي
وفيك تفلي
بس متلي ما فيك تجني

٥٥٥ زرين ...

وردك زهرع صدرك
زر مفتح الميلين
إيد بتغمرك خصرك
وايد الثاني مدري وين

يا حلوي بعطرك فوحي
ومطرح ما بدك روحي
فيك تردلي روحي
لو بعدت عني ميلين

فيك سحر مجنني
قولي شو بدك مني
أعطيني أشعاري وفني
وخدي بوسي من الخدين
زهرك زين بستانني

كل ما زهرك ناداني
بيغار الزرّ الثاني
وبرجع بغمرها الزرين

فَتَحَّ يا زَرَّ وَقَلَّوْ
للزر التامي بجلَّوْ
ميزان قبالي ضلَّوْ
متل العين قبال العين

ما بقدر أفصل بَيْنُنْ
تسلملي رَقَّةَ عَيْنُنْ
معقولي تحبَّو تَتَيْنُنْ
وما بقدر أُوَيْفِي دَيْنُنْ
وعايش بالقَلِّي والدين ...

من جيل لَ جيل

بضوِّي سراج بعتمة فلبّي
سراجي زيتو من القنديل
من الطفل بسرَق لُعبّي
ومن الحزن بضوِّي فتيل

وسنين بترجع لَ خلف
ومين قال سنينك مش هيك
عِدِّي من الواحد لَ الألف
ولا تقولي لعبي بإيديك
أو نجمي فوقاً منديل

النجمي بدّا عتم الليل
والقمر واعي ونعسان
لا تخاف في عندي ميل
وبقلبي شوية إيمان

يُوطِي يعلّي يحطّ يشيل
أنا بحبكّ مهما أنقال
ومهما قالوا عنك إنتِ
ولو عرفوا سرّ الجمال
بأسرارُن ما تكوّنتِ
ولا بقيتِ من جيل لجيل

عيونك نار

عيونك سفيني وبحار
وبحر عيونك كاوينا
وموجك بودي أخبار
بتجرحنا وبتداوينا
موجك يا بحري غدار
رجع حبي عا المينا
سمكاتك يا حبي كبار
تا نطعمهن ما فينا
عيونك برّ وبحر ونار
وبرّ وبحر بيكفينا
حلّي النار تشعل نار
نارك عم بتدفيّنا
عبي جرار وفضيّ جرار
أحلى من بحر ومينا
ما زال عيونك يا جار
بحر ودافن ماضيّنا

شو بدك فينا ومحتار
اتركنا الأرض بتعطينا
بتسرقنا بضو نهار
وبالعتمي بتودينا

عيونك نار بقلبا نار
ونار الحب بتكويننا
إنت بعيننا أسرار
ما تقول إلك شارينا
حُبك حقل من الأزهار
تا نقّي ونقطف جينا
نسرق ونلملم أقمار
لا لقيناك ولا لقينا
إلا حجار وجمر ونار
وجمر ونار بيكفيينا

فهار

أفلشي شعرك عا زنودي غُمر

ونامي

وخلّي العمر يضيع خلف العمر

واسكّري بأشعار أوهامي

وعا صدري بينظفي لهيب الجمر

ويحترق عمرك بنار أحلامي

أجمل ليالي من ليالي العمر

لما عا صدري راسك بينضمّ

وينشّم

عطر الزهر

وخُمّار يسكر والخبابي فاضبي من الخمر

شو الخمر لولا شفاف خمريّ

وشو الكاس لولا نهود حوريّ

وشو الدني وشو السيرّ

لو ما بعيون الحب بتتجلى الأسرار

لو ما الهوى والحب

لا خُلِّقْتُ دني
ولا حُلِّيتُ سني
ولا الكون عم يحلا بعينيّ

خليّك معي غنيّ حزيني
ولحن ممزوج بـ نغمة أنيني
منجل العمر عم يحصد سنيني
وسنابل الأيام
كوام
وغُمر

والعمر
مثل سنابل الأيام
زوان وقمح ولهيب ونار
ضلّك معي تا نشرب الخمر
ويرجع من شفافك يسكّر الخمار

ليش سنين العمر نعدّ

دَقَّتْ كِتْفَا بِكَتْفِي
وَقَرَّبَتْ لِيَّ نَتْفِي
لَزْتُ صُوبِي وَمَا التَزْتُ
تَا غَمَّرْتَنِي بِالْحَرِي

وَإِيْدِيهَا صَارُوا مَرَايَا
حَلَوِينَ كَثِيرَ الْبَنَاتِ
يَا حُلُوِي ضَمِّينِي شُوي
وَلَا تَمْشِيْ مِنْ تَحْتِي الْمِيْ
أَنْتِ الْمَرْكَبُ وَالْدَقِّيْ

وَإِيْدِيهَا تَنْزِلُ تَطْلُعُ
مَتْلُ الْ عَمِّ يَحْفَرُ مَقْلَعُ
بَسْ مَقْلَعُ مِنْ جِسْمِ وَدَمِّ
سَاعَا تَقْطُفُ سَاعَا تَشْمُ
تَا دَوَّبُ لَطْفَا لَطْفِي

وشلّجت قميص من النور
وضوّا من سحرا الديجور
وكرجوا زغلولين زغار
عا شفا في يكفوا المشوار
ودابت عا الشفّي الشفّي

وصرنا بالشعر المفلوش
ساعا نغرق ساعا نفوش
نقطف وعد ونطلب بعد
وليش سنين العمر نعدّ
لحظا من العمر بتكفي

من دون مَکي

ضِحکوا عینَنا

وَحکوا

کثیر استحینا

لَمَّا ایدینا

تَشَابکوا

شو صار فینا

تا حکینا

بلا حکي

انْحَفَرُوا اَسَامینا

لَمَّا بکینا

ومن الیَکي

کُلُّن بکوا

لَ مِين بَدْنَا
نشتكي
والهوى الّ عِنَّا
علينا مِتْكِي
شو توشوشوا علينا
وتلامسوا دَيْنَا
وإيدينا تلَبَّكوا

من الفرح صرنا
ملوك ومملكي
وكل ما اجتمعنا
عا صدري بتتكي
وين كِنَّا
ووين صرنا
والّ متلنا عشقان
قلبي بملّكوا

اعتدال

لَا عَدَلَتْ وَلَا فَيْكُ تَعْدَلِي

إِلَيْكَ حُبِّي بَسْ شَوْ تَأْخِرُ

وَعَنْ عَرْشِ جَمَالِكَ مَا فَيْكُ تَنْزَلِي

تَا شَيْمَ عَطْرِ الْوَرْدِ وَالْعَنْبَرِ

بِحَرِّ عَيْنِيكَ مَوْجِ عَمِّ يَهْوِجِ

يَكْسِرُ سَفْنِ

يُمَحِّي مَدْنِ

وَمَرْوِجِ

كَلَوْ مِنْنُ

عَيْنِيكَ بَحْرٍ وَتَفْجَرُ

وَبَعْدُو عَا صَخْرَا

نَاطِرٍ يَجِي بُكْرَا

بَلَكِي مَرْكَبِ حَنَانِكَ

بِيحْنٍ عَا مَعْتَرِ

زَتِّي قَنَابِلِ بِنَظَرَاتِ قِتَالِي

بحبك تزتي
وبخاف إذا متّ
إشفقّ على حالي
أنا قبلك كنت متجر
مادي بلا روح
شفيتك دوا لجروح
وعمر حبّ يروح
يبحر بعينيك ويتذكر
ويضيع خلف حدود
بكون مش موجود
يتذكر عيونك، ومئن يسكر ...

حلم الناس

يا حلم بعدو جديد
لا تسرق مواعيد
ها الأرض حلياني
وزهور ملياني
وكمشة زغاريد

تذكر ياؤ الكون
ريشي ودوايي ولون
والناس معجوقا
والأرض محروقا
من الآخ والتنهيد

تذكر ياؤ العمر
موقدي للجمر
وبالآخر رماد

وحكاية أولاد
وعمر ثاني جديد
يا حلمها الأجل
يا ريتوا اكتمل
بس كلمة الّ يا ريت
زهري عا باب البيت
وشمعا بلون العيد

انتظار

تاركني من عشر سنين
والوعد بعمرى فكر
بقلى عيونك حلوين
انطرينى راجع بُكرا

وبحاول إني إنساه
وفي حدا بينسى قلبو
يسعد صباحو ومساه
بتمنى إبقى حبّو
ولو حبّو تحوّل ذكرى

معيشتي بأجمل أحلام
وبقلى انطرينى بعد
وكل ليلي ساعة ما بنام
بقدملى باقة ورد
وبوعيني من السكر

وبيمسك إيدي وبشدّ
وبحلّم بعيونو وبنام
وبخاف الدقايق عدّ
وبخاف تضييع الأحلام
وما يعود يرجعلي بُكرا

المستحيل

قلبك معي
وعينيك الرحيل
لا تسمعي
ولا تصدّقي كل الكلام
كل الدني بتنام
إلا المستحيل

بحبك كلمي مزروعا
من جيل لجيل
لا تعلّي الصوت بتوعا
عيون القنديل

قوليلي وخلي الكلمات
توشوشني
وعا السكيت
حجار البيت

تودّعني
والدمعات
لُحالا تسيل .
بقلّك وبين
زرعنا بدار
وصرنا تتين
والمشوار
بدّو يكمل
والأجمل
محينّا كلمة مستحيل

عصفورين

عصفورين وقفوا

عا باب القفص

بإجريهن مَرَصَ

عطشانين

جوعانين

أَكْلُنْ معي

وشربُنْ ادمعي

بس زعلانين

وميتلُنْ بإيد

ما ردّوا

ارقام ما عدّوا

مدّيت إيديّ

بكل حنيّ

قربّوا ليّ

وتنقودوا نقط حُبّ

عم ترشح مننّ

مش إيديّ بس

شفاي في إلن ...

وغلّوا بين صابيعي بفرح

حسيّت شي بقلبي انجرّح

وضمّيتن وشديّت

وحسيّت

إنو كنز قدامي انفتح ...

شمعتين زغار

حوّلوا ليلي نهار

ومتل لوحا بحيط

خافيني مسمار

وقفوا قبالي

شمعتين

عصفورين

خيّط المرصّ ل حالو انقطع

ومن دون فرّع

عا شفاي في ... غفّيو الحلمتين ...

يا مسافر

موال

مسافرا أنا ويّاكُ
والسفر ملقى
لِيش البعد حلاكُ
وصار اللقى أنقى
من كل قبل وبعدُ
ومن كل ملقى

لا قيني وخليّ إيديكُ
تحملني
يا بعيد وتارك عينيّكُ
تسهرّني

ما نسيئُن
معي هنيّ
وما بتركهنّ
قاهرني

وتاركني وملّوني
لاقيني مشتاقاً لِيَكُ
مثل الأرض العطشاني
مشتاقاً لدعسة إجريك
فوق الأرض النعساني
ومنتظر تسأل عَنِّي

أرجعلي، تختك، عم بئن
لا موجوع ولا فزعان
أنا عا بُعدك رح حنّ
ولحافك وحدو بردان
لا تموتني وتقهرني

إنتَ منين

يا مسهرّني ليل نهار
لا تكون بحبّك قهّار
اغمزني بعين
إنتَ منين

مين جابك عا ديرتنا
تا اعطيناك محبّتنا
شو حلاّك بُوردتنا
تا اقطفتُ ونقيّت زرار

مثل الحلم بعمري امرقت
اطبّعت شفافك عا جبيني
يا حرامي ليش اسرقت
قلب وحبّي وحنيني
بحبّك أوعا تخليّني
وحيدي زهري للزيني
بمزهرّي بقلب الدار

يا معيِّشني بالأحلام
حلمك سارقلي حلمي
يا ملِّبني ريش نعام
بشعر وغنيٍّ وكلمي
تمك حمرلي تمّي
شو راح قِلالَ لَ أُمي
نَقوَدني ها الطير وطار !

بسماتك كِلالاً إغراء
وغمزة عينك خبري
قصتنا حكايا وأصداء
وصارت للحب هديّ
ما راح تفلت من دَيّ
يا أجمل من عينيّ
بتستوحي منهن أشعار ...

يا جارا

يا جارا قلبي مشتاق
صرلي مدي ما شفئك
دخلك لا تردّي العشاق
دابو عيوني من الأشواق
ودابو شفايفي عا شفئك

ضوي الأوضة ليلي
تا متّع عيني فيك
أنشفتك صبح وعشي
بايدي وقلبي بحييك
روحي وعمري بهديك
إنت للحب هدي

موعدنا تأخر والليل
عم يسهر مع نجماتو
صمت الليل، حوافر خيل
العاشق ماتو نهداثو

لا تخافني ! حبي ذاتو
مرافق دعساتك بالليل

القمر سهران وناطر
موعد ، الموعد هربان
انطرتك حدّ القناطر
وليلي ... زعلان وبردان
اسقيني دخیلك عطشان
عطشان ويلي ماطر

خلينا بها الليل نعيد
ماضينا ونسهر للصبح
إنت يا كنز مواعيد
لا تشكّي بقلبي الرمح
أصفرّوا حبوب حقول القمح
شيلي من ((حبوب)) الحرفين
وخلينا نمضّي اليومين
بأول حرف وآخر حرف
وصاروا حروفي خوابي نبید ...

حَسْرَةُ الْوَدِيَانِ

تَزِينُ الْوَادِي وَغَدِي
بِالزَّهْرِ يُغْمَرُ مَسْنَدِي
وَتَتَفَنَّجُ فَرَاشَاتِ
عَا جَوَانِحُنْ كَمَشَاتِ
مِنْ لَوْنِ الْيَدِي

وَيَنْزِلُ الْوَادِي نَزُولُ
خَائِفٌ وَمَشْ مَعْقُولُ
مِنْ بُكَرَا وَبَعْدُو
يُمْكِنُ نَسِي وَعَدُو
هَآ الْعَسْكَرِي الْمَجْهُولُ

وَمِنْ قَالَ وَعْدُو بَيْنَتْسِي
وَمَا بَتَتْسِي دَمُوعَ الْأَسَى
عَمَقَ الْجَرْحِ نَازِفِ
وَقَلْبَ الْبَغْضِ خَائِفِ
مِنْ جَيْشِ الْمَسَا .

وين زهر الحفا في والرُبى
ورجفة الوادي لأيام الصبا
وتختفي فراشات هرباني
وتتحوكم فراشات تعباني
عا نور وخباً⁽¹³⁾

يا هارب بها الليل هديني
متلك أنا عم تتمحى سنييني
ليش تا فليت من بعد المسا
تارك بقلبي الجرح وبروحي الأسى
وتارك دموع الخوف عم تسهر معي
بليل الجفا : وبالأوضا الحزيني

⁽¹³⁾ خبا : انطفأ

لا نَوم ولا سَهر

بَسْأَلُ عَيُونِي النَومَ
بَسْأَلُ عَيُونِي السَهرَ
وَاليَومَ بَعْدَ يَومٍ
وَمَتَلِ الصَلا وَالصَومَ
زَهَقَانِ الفَجَرَ

وَنَسِيتُ لَيلَ المَجدِ
عَا مَحطَةَ الأَحلامِ
وَالوَرْدَ ، وَينَ الوَرْدِ ؟
مَتَلِي أَنَا بَينَامٍ
عَا وَخَزَ الأَبَرِ

وَبَتَرَكَ عَيُونِي مَعَكَ
تَسَهرَ عَلَيكَ اللَّيلِ
بِالصَمَتِ بِقَدَرِ إِسْمَعَكَ
بِرَقَّةِ نَسِيمِ اللَّيلِ

وعيون القمر
يا حبيبي إنت
ضلك معي أيام
تذكر بقلبي كنت
أجمل الأحلام
غناها الوتر

لا تختفي وتعود
مثل الفرح والحزن
انت معي موجود
مثل الوتر بترن
تا لان الحجر

الفهرس

٧	- - - - -	تشرين
٩	- - - - -	عمري حدك
١١	- - - - -	تا ما تضلي عذابى
١٣	- - - - -	ما بغار وبغار
١٧	- - - - -	بحبك صلا
٢٣	- - - - -	حببت بآخر المواسم
٢٥	- - - - -	قديش بحبو
٢٧	- - - - -	الكلمى بتجرح
٢٩	- - - - -	بلادى أنا لبنان
٣١	- - - - -	إلى ماجد الحبيب
٣٦	- - - - -	بلادى وحبيبي
٣٨	- - - - -	أجمل من البحر
٤٠	- - - - -	الحب أهم من القصر
٤٢	- - - - -	بنات بلادى
٤٤	- - - - -	بعد بكير
٤٦	- - - - -	أنا
٤٨	- - - - -	لامية الزجل ((جمر ورماد))
٦٤	- - - - -	حبيبي البعيد

٦٦	- - - - -	خلقنا عرايا
٦٨	- - - - -	نور
٧٠	- - - - -	شو بدك
٧٣	- - - - -	إنت الأَطيب
٧٥	- - - - -	المجد عم يسكر
٧٧	- - - - -	عناقيد العوسج
٧٩	- - - - -	يا مرحبا ويا هلا
٨١	- - - - -	مد إيديك
٨٢	- - - - -	ليل وكاس وخمر
٨٣	- - - - -	خيالا معي
٨٦	- - - - -	إسمك
٨٧	- - - - -	نامي يا حمامي
٨٩	- - - - -	متل ما بكون
٩١	- - - - -	بتسكري مني
٩٣	- - - - -	عرزال
٩٥	- - - - -	ندی الربيع
٩٧	- - - - -	إنت الأجمل
٩٩	- - - - -	بدي
١٠١	- - - - -	ألف بوسي
١٠٣	- - - - -	حبك بقلبي

١٠٥	- - - - -	راغب
١٠٨	- - - - -	أنا جايي
١٠٩	- - - - -	سمح وورق
١١٢	- - - - -	نحننا ملوك الهوى
١١٤	- - - - -	مين السراق
١١٦	- - - - -	دموعي خمر
١١٨	- - - - -	لا منلتقي ومنلتقي
١٢٠	- - - - -	يا شمس غيبي
١٢٢	- - - - -	ضلك معي
١٢٦	- - - - -	مار تقلا
١٢٧	- - - - -	شو الجمال
١٣١	- - - - -	بتيقي روعي
١٣٣	- - - - -	عنا قيد السما
١٣٥	- - - - -	قتيني
١٣٧	- - - - -	إنت جناحي
١٣٨	- - - - -	بعدنا زغار
١٤٠	- - - - -	نحننا منسامح
١٤٢	- - - - -	من وين جينا
١٤٧	- - - - -	إنت معي
١٤٨	- - - - -	جبيت خيالو

١٥٠	- - - - -	إنت وأنا والحب
١٥٢	- - - - -	تحولت لعينيك
١٥٤	- - - - -	فلي وعودي
١٥٦	- - - - -	حكاية سفر
١٥٨	- - - - -	عيونك مراسيل
١٦١	- - - - -	نهد
١٦٢	- - - - -	دين
١٦٤	- - - - -	ما حدا
١٦٦	- - - - -	صدرك زرين
١٦٨	- - - - -	من جيل لَ جيل
١٧٠	- - - - -	عيونك نار
١٧٢	- - - - -	خمار
١٧٤	- - - - -	ليش سنين العمر نعد
١٧٦	- - - - -	من دون حكي
١٧٨	- - - - -	اعتدال
١٨٠	- - - - -	حلم الناس
١٨٢	- - - - -	انتظار
١٨٤	- - - - -	المستحيل
١٨٦	- - - - -	عصفورين
١٨٨	- - - - -	يا مسافر

١٩٠	- - - - -	إنت مين
١٩٢	- - - - -	يا جارا
١٩٤	- - - - -	عسكر الوديان
١٩٦	- - - - -	لا نوم ولا سهر

صدر للشاعر

- مروج الأغاني صيف ١٩٩٩
- باقة أغاني أيار ٢٠٠٢
- رنين الكلمات آب ٢٠٠٢

تحت الطبع

- ١ - ها الأغاني لَ مين - شعر عامي بعض قصائده تغنى
- ٢ - لكل أغنياتي - شعر عامي بعض قصائده تغنى
- ٣ - كل أغنياتي - شعر عامي بعض قصائده تغنى
- ٤ - أغاني الوداع - نغم وأشواق - نثر شعري